



[Faint, illegible handwritten notes]

Bibliothek
Walter
Jütz
B. B.

172

136/36
136/36

Faint, illegible text, likely bleed-through from the reverse side of the page.

1700

ANNO MDCCCLXXII

Warhafftiger, grundtlicher vnd getrewer
Bericht, wie vor Alters der guten Stadt
Leypztigk Rath vnd Eldiste zu Ehr vnd
Frummen derselbigen gessen vnd trun-
cken, was maßen dannenhero die
Collation, so man nennet die
Gelbe Suppen, ihren Ur-
sprung vnd Fortgang ge-
nommen. ¶ Aus alten
Schrifften getzogen
vnd allen Liebha-
bern zu Nutz
und Ergezn
an Tag
gebn.



ANNO MDCCCLXXVII.

WILHELMUS, ATINUSCHER FUS REITZER

Beitrag zur Kenntnis der
Geschichte der Stadt
Dresden, von
Wilhelm Atinusch, 1877

Verlag von
G. Neumann, Neudamm

Preis 1 Mark

Alle Rechte vorbehalten

Druck von
G. Neumann, Neudamm

1877

1877

1877

1877

ANNO MDCCCLXXVII





Ist die gute Stadt Leyppzig allzeit gewesen gar eine fürneme im Heyl. Röm. Reich teutscher Nation, hett zu selbem gestanden in festen Trewen vnd Eren, vnd hett bewaret der Väter guten alten teutschen Brauch. Ist also gehalten worden allzeit als ein Befried vnd Hochburg teutscher Art vnd Sitten vnd darumb bezdräwet von allerley Rotten- vnd Schwarmgeistern, so feindt seynd Keyser vnd Reich, ouch noch in jüngisten Tagen. Zett aber bewaret ir jungkfräwlich Kränzlin vnd hett nit mögen erstormet werden.

Leyppzig
ein gut
teutsch
Stadt.

Ist aber Ursach darvon, daß man da allzeit gekieset vnd gefüret hett zu Burgermeistern vnd Ratshern, ouch zu Eldisten, die man später hat genennet Stadtverordnete, weyse vndt erfarnie Männer, so da sitzen vber den Ordnungen der Stadt fruh vnd spat, vnd finden das Recht, da es verlorn gangen ist. Thuns aber in alter teutscher Weys in Erbarkeit vnd frölichem Sinn vnd in Eintracht. Vndt so sie getaget haben vnd geratschlaget, ouch zirliche vnd feyne Reden gehalten, setzen sie sich hin, nemblich die Eldisten vnd der Ratshern einige, zu Stärckung Leibes in die Trinckstuben in der Niclasgassen oder Ritterstraßen, oder in ander Stüblein vnd Keller, die da füren ein gut trinckbar Bier, damit vffs New erfrischet werdt das dicke Geblüt, vnd gekület die erhizeten Köpff. Geht aber allda gar lustig zu vnd vffgeräumbt, kündt fürwar der gestrenge Ritter Hans von Schweinichen vß Schlesingen, so er noch lebete, sein Freudt dran haben, würdt sich ouch setzen mit an das Erenplätzlein, so man nennet die scharpffe Ecke; sitzet nemblich allda der Eldisten fürnembster, der Götz.

Eldiste ha-
ben tapffer
Durst.

Hansen von
Schweinichen
Judicium
darvber.

Die Colla-
tion genen-
net die gelb
Suppen.

Vnd zum Newen Jar, als da ist der Wechsel vnder den Eldisten, vnd man schmeißet hinaus die so nit seynd wieder geküret, kommen sie beyeinander allsamt vnd die Rats Herrn im Schützenhawß vnd halden daselbsten ein Collation oder Malzeyt, wirdt genennet die gelb Suppen. Ist aber nit gelb, ist ouch kein Erbis darin, heißet nur so. Vnd ist allda ein tapffer Gesäuffte von Weyn vnd darnach wol noch von Bier, vnd darvff des andern Tags vil Kopffwee, von wegen der Art des Weyns daselbsten. Dennorget nit der Rath vor selbem, wie vor Alders, sundern der Wirt. Hat zwar die Stadt noch ein Ratskeller, ist aber kein Keller, ouch darin kein Weyn noch gut Lymbeckisch Bier zebefinden.

Der Rath
fordert zu
vil Schoß.

Sallet aber den Eldisten fast schwer vor ihren Trunck zu stehen, als vil sie vermögen; denn ist anizo die Narung sehr verterbet vnd finden sich der Gröschlein nur wenig im Sack, dieweyl der Rath erhebet vbergroßen Schoß, so man izo nennet Simpla, weilen sie nit sein einfach, sundern vilfach. Vnd so die Eldisten wolln mindern an der Vßgab, vff daß erleichtert werde die Gemeynheit, brummet der Rath, vnd grölzet sie an. Gehet also vil guten Dursts verlorn. Wär dahero an der Zeit, daß man besserte an den Ordnungen vnd sich befragete mit weysen Männern, erfarn in der Historia vnd in alden Schrifften. Vnd da man nachforschete in den geheymen Archen vnd Laden, wo solch Schrifften bewaret, wie es gehalden worden in alden Zeiten mit solch wichtig Sachen darvff der ganzen Stadt Wol beruhet, würdt befunden werden als folget.

Die gutt alt
Zeit.

War nemblich vordeme vil besser bestellet mit solch Wesen, wurden ouch der Lustbarkeiten vnd Collationes meher gehalden. Weylen man aber war gottsforchtiger dan izo vnd des ingedenck, als stehet geschriben: Du solst dem Ochsen so drischet das Maul nit verbinden, als standt gemeyner Stadt Seckel allweg vor den Trunck vnd die Azung des Leybs. Ward aber alls feyn richtig vffgezeichnet in der Stadt Rechnungen, vff daß man sich kündt beleren, wie die Alten vor der Stadt
Wol

Wol vnd Ehr sich geplaget. Man hats aber vergessen vnd hat mißacht ir Weyßheit, so doch erkundt vnd erprobet, wie ein gut Trunck nit alleyn frölich machet das Hertz, sondern ouch beredt die Zungen vnd weyse im Rat. Vnd vermeynete man nit mit Unrechten, als wircke der gut Trunck allwegen vmb so besser, bevorab in der Weyßheit, je stärker man ihn thue.

Gut Trunck
vil Weyß-
heit.

Bestellete also der Rath jed Jar zween vß seiner Mitten zu Biermeistern; die sorgeten daß des Rats Keller allzeit wår wol versorget vnd gefüllet mit guten frembden Bieren, als da sind: Numburgisch, Sreybergisch, Turgisch, Belgersch vnd Lymbeckisch, späters ouch Duckstein. Denn sind solch Bier fordere samb vnd heilsamb, wårmen den Magen vnd stärken den Leyb. Ward daher nit gefüret die Goslarische Gose, denn heißets von selbiger:

Biermeister
füllen gut
Bier in.

Es ist fürwar ein trefflich Bier
die Goslarische Gose,
Denn wenn man glaubt man hats im Bauch,
so hat mans in der Gose.

Dorfften aber die gemeynen Burger solch Biere nit inbringen in die Stadt sunder Erlaubnuß des Rats, bey starcker Pen; vnd wurdt solch Erlaubnuß nur geben bey besunder Gelegenheit, als Hochzeit vnd Kindtauffen. Dene Collegien vnd Burßen der Hohen Schul aber, vnd V. G. HERN des Herzogs Dinern war ein bestimmt Maß geordnet, so sie zu eygen Gebrauch vnd Tischtrunck inbringen mochten, dem Schösser oder Rentmeister z. B. hundert Vaß; muß das fürnembt Ambt einen stattlichen Durst erreget haben, wurdt daher das Vßmaß nachmals vff vierzig Vaß gemindert. Aber in den Schencken der Stadt, vnd fürnemblich in dene der Dorffer in der Umbgegend litte der Rat nit, daß man solch fürneme Bier schanckete, hielde daher ouch oftmals schlaue Kundtschaffter, die mußten die Ubertreter seines Gebots vßspüren vnd zaleten ine vor ire Mühe ein fein Trandgelt. Deßgleichen büßete der Rat die Jenigen scharpff, so in den Collegiis Bier holeten, vnd

Rath hält
feyn Vff-
sicht vffs
Bier-
schencken.

Alj war

war in Anno 1476 die Innam von solch Penen nit minder denn iij ß. xxx gr. alder Mongz.

Trinckstube
wirdt ge-
weitet in
No. 1486.

Zielde der Rat darvor aber ouch den Keller wol ingericht vnd in trefflich Standt, ouch anheymblich, ingleichen die Trinckstube vor die fürnemen Herrn von den Geschlechtern vnd die Juncker derselbigen vnd schänckete von seinem Surrath durch die Lesser, sorgete ouch daß genug Raum war vor die stattlich Zahl der Durstigen vnd wandt groß Geld vff, selbe Trinckstuben zu weiten, da es von Nöten. Stehet darvber in den Registern des 1486. Jars:

Item Greger forstern vor eyn hauß zu eyner trinckstubenn vff befehl aller dreyer Reth hinden an die wage vnd alde trinckstube rurende biß an die Feuerwewer zu seyner Kochen vnd da selbest Smit (?) Recht ober daß hofichenn Biß an Sawerman mit dem Stalle gebenn iiii^c lxxx gulden ye xxj gr. vor j gulden faciunt j^c lxxviii ß. Silberm mongz.

Wirtet daselbsten igo noch das Raths-Plenum, nemblich der Vollrath.

Ingleichen sorgete der Rat ouch vor feyn vnd sauber Krüge vnd Kannen von Zihn, weyl die seynd minder zerbrechlich denn solche von Glasß vnd Irden. Vnd was zerflopfet ward an den Köpfen in vnschuldiger Srölichkeit, das ließe der Rat bessern vnd flicken, nemblich die Kannen.

Cofent,
Raster vnd
Scherven
fein gut
Trincken.

Aber Cofent vnd Raster vnd Scherven, was da warn die Bier vor den gemeynen Mann, die fürere der Rat nit in seinem Keller vnd schänckete solch Gesöff nur den Wayneknechten vnd Mädern, wan die heweten in den Wissen, oder so man mistete vor den Pawlern, oder räumete in den Stadtgräben vnd in des Rats Teichen. Gab solche auch den Sischern, so sie halffen wan der Burgermeister der Sischerey vbete in den Molengräben, oder so man fischete die Zechte vnd Karpen in den Stadtgräben vnd in den Teichen.

Bawmeister
ir Wochen-
geldt.

Warn aber darneben die beeden Bawmeister im sitzenden Rat mit darzu geordnet, daß sie sorgeten vor den Trunck der Gestrengen in werender Sitzung; vnd wurdt ine wochentlich vßgezalet

vßgezalet ein Gulden, thuet xxj Groschen, darvon zeschandten. Aber zum Sonntag Reminiscere, weilten da die newen Herrn des Rats vffgingen, wardt darzu verordnet ein ganz Schock Groschen, von wegen der Trawrigkeit; vnd geschah es in den Jaren 1478 biß in 1486 daß merenteils xliiij Groschen darvon gezalet wurden zu Hanssen Stockarts Testament, wie er gestift hett, vnd mußten die Herrn dan hörn lesen den Brieff vnd die Vorschreybunge zum Willigen Almußen. Warn daher eiffrig die Herrn vom Rat vnd die Eldisten, murreten nit, so lang ward getaget vnd geratschlaget, hetten ouch deß nit von Nöten daß sie den Schmachtrimen anzogen vmb die knurrenden Bäuch, so izo offtmalen geschicht. So aber alle drey Reth versamblet warn vnd es reichete nit, schribe man ein new Item von xx Groschen oder meher in der Stadt Rechnungen. Heißet aber, geschah solchs nur, so man handlete von gewonlichen Dingen, die nit erfordern vilen Rats. Wann man aber saß vber hochwichtigen Sachen, als ein new Ordnung oder dergleichen, so da erfordern vil Rats vnd groß Weyßheit, wurd ouch der Trunck gemeret vnd gewürzet vnd spizete der Stadtschreyber sein Schreibror oder sein Ganschfedern, wie er solchs grad brauchete, vnd schribe in die Register als stehet z. B.

Wird gemeret so vil Weyßheit von Noten.

Anno 1490. Sbto Agnetis die hern aller dreyer Reth ober der ordnung gefessen vnd vff eyner malzeyt vf dem Rathawse verzert ij.ß. vij gr. j. d.

Anno 1491. Sbto post Briccij die hern aller dreyer Reth die Irrung in Rethen verhort eyn ganzen tag vff dem Rathawß versammelt gewest vnd allerley gehandelt von deß Raths ordnung vnd anders gehandelt verzert v.ß. xiiij gr.

Anno 1491. Die hern das wagelt vnd Stergelt gezalt auch alle drey Burgermeister vnd die Eldesten der Reth ober der ordnung gefessen drey malzeyt gehalten verzert v.ß. xiiij gr. vj. d.

Anno 1492. Als die hern ezlich tage vber der schuster Sachenn vnd die gerber belangennd gefessen außgegeben ij.ß. xx gr.

Anno 1494. Sabb. post viti die hern aller dreyer Reth suntag montag dinstag vnd mitwoch vff dem Rathawse als der marschalg vnd

vnd ander vnfers g. h. Rethen vff dem Rathawse in der pflugesachen 2c. gewest vor Broth Krebß Bier vnd weyn außgeben j. B. xxv gr.

Begnugete sich aber ein hochweyser vnd achtbar Rat, als man sihet, dan nit mit eitel Bier, tranck ouch tapffer Weyn von allerley Art, so man furete hinn vnd widder in den Schencken vnd Kellern der Stadt, frembden vnd inheymbschen. Vnd damit die Narung blibe in der Sründtschafft, kauffete man solchen Weyn in den Kellern, so den Ratsfreunden zustendig, als z. B. Ulrich Claffhamer, Hans Suchtwanger, Tilman Gunterode, Lung Brewsser vnd Simon Brewtigam vnd später bey Doctor Heinrichen Stromern von Auerbach, der hat gebawet den berumbten Keller vß dem Doctor Saustus vff eynem Daß geritten gar graußlich anzuschawen, vnd bey dem Buchtrucker vnd Surer Melchior Lotthern in der Hertzstraßen.

Raths-
henn vnd
Eldisten
ir feynVer-
standnuß
für gute
Weyn.

Ward aber von inheymbschen nur getruncken Kogschenbergger, nit gemeyner Lantwein vnd Lewtenbriger oder gar Gubenischer; der verturbe vngetruncken in den Kellern. Schmeckete der frembde besser, war ouch fürnemer, vornemblich: Maluesir vnd Moskateller, vnd Reynfall vnd Meth, so man beed bezoge von der Stadt Egra in Böhheimb, ouch Selckeliner, izo Veltliner genennet, Pinol, Passuner oder Bassewner, ouch ander Welsche Weyn, dan Reynischen, blanken vnd rothen, alden vnd jungen, darzu Elseffer, Mantz, Necker vnd Franckenweyn, inglichen Sepffweyn vnd Kogschenbergger Most, der schmecket süß, vnd Vngerischen vnd Behemischen von Rosatz. Vnd sazete man vff darzu Confect vom Apatecker Magister Hans Huter vnd Zucker vnd allerley zum Knupfern, als stehet z. B. geschriben im Zeddel von

Zusveyß
darzu.

Nickel Müller.

Item der Radt zu leypzigk 2r (tenetur) 8 \mathcal{L} feygen vor 8 gr.

Item 8 \mathcal{L} grosse Rosyn vor 10 gr. 8 \mathcal{L}

Item 8 \mathcal{L} mandel vor 16 gr. hat man auff das radt haüß genommen am Dornstag post fastnacht in 500 Jar.

Somma facit 1 fl. 13 gr. 8 \mathcal{L}

Ingleichen

Ingleichen ouch schon in dem 1490. Jar, woselbsten es heißet:

Item Niclassenn Fezler vor x *℔* feygen zu xij *℔* vnd iij *℔*. mandel auch zu xij *℔* vor alle drey Reth als die dreymal versamelt gewest xvij gr. vj *℔*.

Sollt man aber deßhalben gläwben, ein erbar vnd wolweyser Rat seye etwan leckermäwlig gewest, thet man ine deß mit Vnrechten beschuldigen; ließe sich vilmeher offtmalen ein derber Zuspeyß reichen zum Trunck, als Pläge vnd Prezen, dan Eyer vnd Botter, auch Nosse vnd Crewß-Käß vnd in schweren Sterbenszeiten Brathborst vnd Sweinbraten vß der Garfüchen.

War aber die Vßwal des Weyns ein hochwichtig Geschefft, erforderte vil Weyßheit; war notig, daß man die Keller besahe vnd erprobete, was vor Surrath die Schencken ingeleget vnd wo er seye am trefflichsten. Stehet z. B. vffgezeichnet in den Registern von Anno 1474:

Keller be-
sehen vnd
Weyn
kosten.

Item mehr darnach vff montag nach corporis xri als die Herrn der Reth bejenander gewest, Wein vnd die Bier besehen vnd gekost haben in den Kellern vff den Abendt zur Collacyen vorczert vnd vßgeben ij *℔* xl gr vj *℔*.

Vnd muß insunderheyt der regirend Burgermeister ein feyn Zünglein haben vnd sich sunderlich verstehen vff die Güte des Weyns; denn wars sein Vffgab, dieweyle er stets wußt den besten Rat, vßzewälen, was die Herrn wollten trincken das Jar vber vor ein Gewechß. So also ankame ein new Surrath im Keller beim Claffhamer oder Suchtwanger, beschickete er solch gute Sründ vnd ließe holen der Kannen oder Nösel egliche zu Kosteweyn, beriete darvber mit den Bawmeistern vnd so er ward gut befunden, holete man meher davon ouch vor die Herrn und blibe darbey, so er durch Plenar-Beschluß als süffig erkandt wurdt. Stehet mancherley darvber in den alten Registern, als z. B. folget:

Anno 1474. Item insunderheit zcu Claffhammer j nossel reymfall zu kostewein hat der Burgermeister holen lassen, vnd darnach j kanne vffs Rathuß in vigilia martini facit zcusampne v gr. iij *℔*.

Bj

Item

Item mehr j nossel Reymfall zcu Suchtwanger zcu Kostewein facit
j gr. vij \mathcal{L} .

Vff Sonnabend post lucie virg. vßgeben v gr. vor eyne Kanne
Maluesier.

Item iij Kanen Rh(ein)wein, dye Kannen zcu ij gr.

Anno 1477. Item vor iij Kannen vnd j nossell Reymfall (— später ouch
j Nossel Passuner —) ins Burgermeisters Sawß zu Kosteweyn vnd
vßs Rathauß vor die hern kommen vnd geholt, geben xv gr. iij \mathcal{L}
voriger monz.

Rat leget
selbsten
ein Surrat
in.

Kame ouch wol für, daß der Rat sich selbst einen Surrat
inlegete von solch besunder guten Gewechßen, fürnemblich so
er gerad vor der Stadt Würden vnd Ansehn ein großer Ver-
erunge zethun hett; Kams dan in ein einigs Item, kundts
ouch die Gemeynheit ime nit verbeln, so er sich selbst ouch
erete. Aber die Gemeynheit erfure nichtes darvon. Stehet da
z. B. in den Registern vom 1476. Jar, daß der Rat dem Ober-
marschallgk Ern Hugo von Schleinitz zu seiner Tochter Hoch-
zeit vil Weyns vnd Bier vereret vnd darbey gleich ein Lägel
Maluesier vor sich selbst in den Keller gelet, den andern
Herrn darvon zeschancken. Hett das sicherlich gut geschmeckt;
so dahero der Herr von Schleinitz im 1482. Jar sein ander
Jungkfrawen vermälte vnd widerumb vom Räte geeret wurdt,
alß sichs gebvret, legete selber abermalen vor sich mit in zween
Lägel Reinfall vnd eyns Maluesier. Vnd so weiters in Anno

1477. Vff Sonabendt nach Pauli conversionis Hansen Suchtwanger
bezalt iij lageln Reymfall, So der Rat von ym genommen vnd
vnsern g. hern von Sachßen, yrer gnaden mutter geschanckt vnd
eyne selbst vßgetruncken vnd vor sich behalden haben yde lagelln
vor viij gulden faciunt xxxii fl. an monze, faciunt xij \mathcal{L} . xvij gr.
vj \mathcal{L} voriger monz.

Hett aber all das sein gut Grund vnd Ursach, war ein Theil
der Kunst Paedagogiae; thate dazumalen Not, daß Burger-
meister vnd Eldiste wern wol gebet im Trunck vnd kundten
fassen ir wolgefüllet Maß, vff daß sie inzestehen vermöchten
vor Ehr vnd Würden irer Stadt bey Festgelagen vnd vff
Landttagen, so ouch bey Hofe. Erwurbe der die meist Ehr
vnd

vnd Ansehen vor sein Genossenschaft, so bey solch Gelegenheit zuletz fielen vnder den Tisch. Ist solch Art noch nit gang vßstorben, brauchet man nit erst mit Singern darvff zuweisen. Darff also nit vermeynet werden, daß ein erbar Rat Freund gewest seye dem wüsten Gesäußt; libete wol einen herzhafften vnd guten Trund, doch nit zum Vnmaß vnd büßete schwer die, so vñisch zecheten. Weißets vß das Penregister von

vñisch
Zecher
werden
gebüßet.

Anno 1478. Vff Sonnabendt nach Graudi von Jorgen Zeingen zu buße ingenommen das er zu dem gebranten weyne gefessen, gezechet vnd einen hat helffen todt trencken geben v.ß. Silber

vnd wurd Hans Bawngarten des gleichen Schls halben mit der gleichen Summa, die ein groß Geldt machet, gebüßet.

War man vilmeher gar fürsichtig vnd forgete vor die Gesundtheit der Herrn des Rats, absonderlich so da war ein grausam Sterben oder Pestilenz in der Stadt vnd ward nit geschonet des Geldts, inmaßen Ratsherrn seyend vnerseßlich. Wurd z. B. im 1484. Jar mancherley vßgeben für Pulveres, als besonders bewiset das

Sürsorg
in Pesti-
lenz vnd
Sterbens-
läwfften.

Item Johan Konige (dem Apatecker) vor ij *li*. Conf. triasandali als der Rath tempore pestis von im genommen hat vßs Rathuß vor die herrn Kommen geben xvij gr.

Vnd stehet weiters verzeichnet in der Stadt Rechnungen vom 1495. Jar, war grad die Zeit da die Franzosen seyend vffkommen in Leyppzigk, wie Mag. Hans Zuter der ander Apatecker vßs Rathuß gelieffert hat zur Zeit des Sterbens eßlich Confectiones vnd Pulveres vor *lv*.ß. xliij gr., als Confectionem preciosam vnd Pulveres preciosos contra pestem, vnd Pulverem Dom. Nicolai, ouch Electuaria contra pestem, darzu wolrichende Kerzlein vnd vordeme schon Trocisti pro fumo zu Vortreibung der giftigen Schwaden; nennet man das heutigs Tags mit welscher Zungen Desinfection. Zett man aber dazumalen solch Sorcht vor der bösen Pestilenz, daß man selbst den guten Weyn dem Magen abtruckete vnd zu einem Räucherwerck vergeuden thät. Denn heißets in den Registern von

Anno 1484. Item vor eyn halb stobichinn maluesier hat man distelirt geben ʒ gr.

Ist aber izo nit meher von Nöten; denn sitzen die Carbonsäure vnd der Wolgeruch beyeinander vnder den Eldisten.

Schoß vnd
Stewern
insamblen
ein swer
Vffgab.

Stadt-
schreybers
Deputat an
Stieffelen.

Badgeld
vor die
Herrn.

Collationes
bey solch
Gelegen-
heit des
Schoß In-
samblens.

Solchs alls, was biß hie angefüret, war aber nur, was man tranck vor gewonlich, von wegen der täglichen regel-
mäßigen Beschweruß der Arbeit. Gingen aber yed Jar herumb drey Ratsherren vnd sambleten das Stettgeldt vff den dreyen Märckten, ingleichen die zween Bawmeister vnd der Stadtschreyber nach dem Waggeldt vnd wurdt izlichem derhalben gezalet vor sein Müh vnd Versäumbnuß jeds Mal ein Schock Groschen, im funffzehenden Jarhundert dem Stadtschreyber ouch yed Jar ein Paar Stieffelen vor 12 bis 16 Groschen, dieweyl das Pflaster war schlecht in der Stadt, ouch vil Roth vnd Vnrath vnd Schweinmist in den Gassen. Denn achteten die Burger nit gar sehr des Rats Gebot vnd macheten nit rein vor irer Thür, oneracht der Pen von ein biß zu drey Groschen. War also ein sawer Geschafft solch Insamblen; schandete man also noch da vber jezuweilen dem Stadtschreyber, so man ime war wolgeneiget, einen Groschen vor Smehr sein Stieffelen zu schmieren, ouch dene Herrn vom Rat vier bis acht Groschen zu Badegeld. Würdt sich hütigs Tags deß haß frewen das Eschelein; kündt ertzeigen sein Kunst vnd Geschicklichkeit, wie man den Kopffsprung thue in einer holzin Wannen on vffzebußen. Item saßen die beeden Bawmeister mit dem Stadtschreyber vff dem Rathawß vnd namen in den Schoß von den Bürgern, oder wurdt gezalet das Boletengeld von den Bieren, so die Burger braweten.

Vnd kam izlich mal in gar ein statlich Sümmelein vnd erhube sich darob groß Freud vnd Jubiliren, so die Herrn es zaleten vff der Ratsstuben vnd richtete man flugs an ein Collation vor die Herrn sampt den Burgermeistern vnd ezlichen Eldisten. Ward alda vergeret im Trunck, so es sich handlete vmbß Stettgeldt, je drey oder vier Schock vnd beym Schoß anderthalben biß zween Schock; beym Boletengeld aber we-
niger

niger dan ein Schock, denn war die Innam nur gering. Thet man in alden Zeiten ouch desgleichen, so man die Rechnung vber des Rats Keller ablegete, als 3. B. im 1477. Jar, da man zimlich drey Schock verbrauchete, wardt aber bald abgeschaffet. Schribe man aber allis fein säwberlich vff in den Registern, hielde auch darvor, daß solch Geldt, so von der Vnehre káme vnd von andern Peccaten, nit bleiben dörrfe in der Stadt Kasten; verzerete also der Rat vnd ouch die Schöp- pen in einer Malzeyten, was ingenommen wurd von den Penen der freyen Frawen vnd andern Bußen. Stehet solchs 3. B. geschriben in den Registern von

Anno 1482. vff Sonnabendt post esto mihi (also des 1483. Jars) von paul keiser dem Richter als er von gericht wegen dis Jar obir das der Scheppen Essen hat gestanden, zubuse ingenommen vnd dem Rate geantwort hat, ingenommen *iiiiij. s.* Silbern montz.

Anno 1489. Vff montag nach Invocavit (1490) vor alle drey Reth die pünckta (sic = peccata) in leymbachs Sawß verzert außgeben *iiiiij. s.* xvij gr. *iiij. s.* Silbern.

Anno 1494. Vff dornstag nach Esto michi (1495) die hern von allen dreyen Rethen die Contumacien verzert vff dem Rathaws gessen vnd außgeben *iiiiij. s.* liij gr.

Vnd so des Geldts war ingangen zu wenig vnd es reichete nit, name man noch darzu ein Stewer vß der Stadt gemey- nem Geldt, als 3. B. in

Anno 1486 . . . die penen verzert, zu stewer derselbigen Collacion vnd auch daß der penen nicht so vil gewest sindt geben *i. s.* xxv gr. *vj. s.* i hlr.

Ward aber später darin ein ander Ordnung gesezet, ouch im Rechnung thun der Herrn. Saßen vnd swizeten nemblich späters im Beschließ des Jars die zween Barmeister zesampne mit dem Stadtschreyber vber der Stadt Rechnungen vnd zaleten man denen dabey zu vertrincken zween bis drey Schock. Denn ist solch Rechnung thun ein schwer vnd gefärllich Vffgab vnd Arbeit; stehet aber nit vffgeschriben, ob es des guten Truncks halben besser gestimmet.

Barmei-
ster vnd
Stadt-
schreybers
Rechnung
thun.

Sihet man darvß, verstanden sich die Herrn vom Rat vnd die Eldisten dazumalen gar trefflich vff den Trunck vnd ist ir Art, als schon gesaget, ouch nit ganz vßstorben, als beweiset die „scharpffe Ecke“. War ouch grad die Zeit, nemblich im funffzehenden Seculo, als vfflebten die Studia humanistica vnd hervorbrachte die Leucht der new Wissenschaft vß Welschlandt. Ist aber die Stadt Leypzig allzeit fürauff gewest dem übrigen Teutschland, so ouch in disem, vnd bevorab ir Aeltermänner. Hatten also ouch gehoret die schonen Historien von den alten Romischen Heyden, wie sie sich verstanden vff Malzeyten zu den Zeiten Luculli vnd Keyser Augusti, reizeten den Gaumen vnd räümeten vff im Bauch, so er war vberfullet. Liferten also ir Gelartheit zu bekunden vnd würzeten iren Trunck, daß er trefflicher ginge von Statten. Stehet denn ouch also verzeichnet in den Registern:

Gut Trunck
wirdt ge-
würzet.

Item vor die hernn nach Stetgelde vmbgangen vnd die Burgermeister alle zu Sampt ezlichen Eldesten hernn vff dem Rathawse verzert *iiij* *℔* *xxxix* gr. *ij* *℔* mit der wurze ut patet in Cedula.

Schadde (sic!)

- Jt. *xx* 2 (?) lot saffran geschaffen vor *viii* gr.
- Jt. *j* *℔* weyß *zbt* (Zimmet?) *x* gr. geschaffen.
- Jt. *j* ferttel pip. (Pfeffer?) *iiij* gr.
- Jt. *j* ferttel ros(inen) *½* gr.
- Jt. *j* ferttel negel *viii* gr.
- Jt. *½* *℔* nesse *j* gr.
- Jt. *½* *℔* mandel *j* gr.
- Jt. *j* ferttel cleyn ros(inen) *½* gr.
- Jt. *½* ferttel negel *℔* (4) gr.
- Jt. *iiij* *℔* mandel *j* *℔* 2 gr.

Summa ist alsamen *xxxx* gr. *½* gr.

Ist gar betrüblich, daß ist anders worden. So iziger Zeit die Eldisten saßen beym Trunck in der Herwstraßen, kame da ein armselig Männlein vß Venedigen, von deme kouffeten sie Confect vnd gebrandte Mandeln vnd Nüsse, so sie deß nötig; ouch beym Schenck gebrandten Weyn, heißet man Rummel. Sallet aber gar beschwerlich dem Geldbeutel. Vnd
sollts

solts einem am andern Morgen etwan schmerzen im Kopff, oder worgen im Bauch, kouffet er sich selbst ein Labfal, des er bedorfftig. War ouch vor Zeiten besser geordnet; denn bedacht man, wie Arbeit vnd Trunck waren schwer vnd zu Eren vnd in Dinsten der Stadt getan. Ward also yed Jar yedem Burgermeister ein Schock Heringe vereret, yedem Scheppen vnd dem Stadtschreyber ein halb, ingleichen den Bawmeistern, den vbrigen Herrn aber ein yeden funffzehn Heringe. Vnd da solch Vererunge sich balde als zu geringe erwise vnd nit vreichete vor den Bedarff bey der streng Arbeit, ward sie in anhebendem sechzehenden Seculo gemeret vff ye ein Väßlein newer flämischer Heringe; die ließe man zemeist kommen von Magdeburgk. Hett man also schon dazumalen diß Sischlein erkennet als ein kräftig Argney vnd Antidotum in den Beschwernussen des Geträndkes.

Eldiste erhalten in Deputat an Heringen.

Wurden solch Maltzeyten die Jar vber immer statlicher vnd feiner angericht, maßen man vermeynete, daß ein Ergetzlichkeit vnd Erholung in der Beschwernuß des Regiments wol angebracht seye vnd nit oft genug kündt angestellet werden. War vordeme aber anders geordnet gewest, nemblich biß ongefähr in das 1482. Jar; hielde man da die Hauptmaltzeyt am Fronleichnamstage zum Beschließ der großen Procession vnd nennete solch Collacion das Prandium Corporis Christi. Wurdt gar statlich vßgericht, kräftig vor den Leyb vnd narsamb, vorab vil Fleischspeyß, denn thet man verachten das Gemuß vnd Krawt, so kein Narung gibet, füllet nur den Bauch vnd stielet den Raumb, so man bedarff vor den Trunck. Vnd gabe man davor vß biß in die zehen Schock vnd meher, ongerechnet das Bier vß dem Keller vnd on die Sisch, so man darzu in des Rats Teichen vnd Gräben fischete. War solchs ouch ein Hauptfischen im Jar vnd ward darbey nit vergessen der Stadt Diner, so sich abmüheten im Schlamm vnd ine ein klein Ergetzlichkeit erzeiget mit Brot, Bier vnd Heringen. Vnd was von solchen Sischen nit verbraucht wurdt vor die Herrn, das verkouffete man der Gemeynheit.

Prandium Corporis Christi einstmals die Hauptmaltzeyt der Eldisten.

Wirdt gar statlich vßgericht.

Stehet

Stehet vber solch Prandium vilerley in den Registern verzeichnet, als z. B.:

Anno 1472. Vff Sonnabend nach corporis cristi vßgeben vor getrencke vnd kost also vor fleisch wurz huner Buter Salz smaltz toppe gleser tringgeschire vnd zcu ablonunge dem Koch vnd seinen helffern auch fur Brot vnd wein bey den weinschencken sonderlich one das so man im Keller genommen vnd mit huringerechnet hat vnd mit all dem das daruff gangen ist Geben viij.ß. lviiij gr. iiij. ð.

Anno 1473. Vff Sonnabent nach corporis cristi usgeben fur die collacion des Rats vor fleisch buter huner Salz smaltz toppe holz Kollen wein broth wurzen wilpret 2c. mitsampt den Kochen vnd fur alle dingk usgeschlossen das Byr usß des Rats Keller komen vij.ß. xxx gr. Item j.ß. xviiij gr. j. ð vor Byr vff dy Collacion corporis cristi geben.

Anno 1475. Vff Sonnabendt nach Corporis cristi vßgeben fur die Collacyon des Rathes fur fleisch huner hasen vnd j Trappen Salz Smaltz wein vnd Byer Brott wurcze Speck vnd eyre 2c. mit sampt den Kochen vnd fur alle ding als Eysig frutt vnd zwybeln in die Koche komen x.ß. xvj gr. iij. ð.

Der Herr Vnd ist ganz besunder vß der letzten Rechnungen einer zeer-
Speyßzed-
del bey solch sehen, vß der so vber die Collacion des 1481. Jars getan, was
Prandium. man den Herrn alls vffgesezet vnd was sie vermochten; heißets
nemblich in den Registern vnd in einem besunders ingelegten
Zeddeln:

Sabbato post Trinitatis zu der collatyon corporis cristi vf dem Rat-
hanse vor alle drey Kethe, des Rats diener vnd gesinde fur Zuner
fleisch genße Enten Bier Brott Wein vor alle andre nordurst, vnd
den Kochen, vßgeben vnd vorzert viij.ß. xxxix gr. iij. ð 1 hlr.

Cedula corporis cristi lxxxj^o

Nickelassko (war ein fleischhawer ouch Regenbogen geheissen)

xxj. ð Kalbfleisch fat v gr. vij. ð.

Die fryzinne xx. ð. Kalbfleisch fat v gr. v. ð.

Steffann Koch ix. ð. Kalbfleisch fat iij gr.

Idem lxxix. ð. Rintfleisch fat xxvj gr.

Bartel fleischhawer xv. ð. Schweinfleisch v gr.

Zanns Hertwig ix. ð. Kalbfleisch fat iij gr.

Adam xxxix. ð. Scheppezfleisch faciunt xvij gr.

Nickel Behme (?)

Thomas

- Thomas Albrecht vj zungen eine zunge vor xij ℔ fat vj gr.
 Idem vier lomell (?) eins vor xij ℔ fat iiij gr.
 Item ix ℔ speck j ℔ vor vj ℔ fant vj gr. (sic)
 Item vj par huner j par vor xj ℔ fant vj gr. v ℔
 Item xxx par Zuner j par zu xiiij ℔ fat xlvij gr. iiij ℔
 Item iiij par zu xij ℔ fat v gr. iiij ℔
 Item x alde hennen zu viij ℔ fant viij gr. viij ℔
 Item vj genße vor viij gr.
 Traget (?)
 Item vor brot xj gr. vj ℔
 Item vor hußblasen iiij gr.
 Item vor eppeln ij gr.
 Item vor grasß (Salat?) ij ℔
 Item iiij Kannen weyn esig iiij gr.
 Item x Kannen bier esig ij gr. ij ℔
 Item vor j virtel bowmoel j gr.
 Item gerethe tischtucher vnd qwelen geben (zu leihen oder zu waschen?) ij gr.
 Den hunern vor weiße (hat man selbe also zufurderst vßgemâst) ij gr.
 Item vor die Kuchen iiij gr. iiij ℔
 Coco xv gr.
 Dem Turcken (Weinschenck) xiiij ℔. Rh(einisch) wein fant xxiij gr. j ℔
 Item vj ℔ potter j ℔ vor vj ℔ fat iiij gr. (sic)
 Item vor Krawt, Salsa, zwebelenn 2c. iiij gr. iiij ℔
 Dem Koch Jungen gehulffen in der Kochen geben ij gr.
 Bertolt Landawer vor xiiij Kannen maluastir j.ß. vj ℔
 Dem Kochenmeister vor iiij stobichen Rhweyn xxviij gr. iiij ℔
 Der Suchtwangerin vor x Kannen lantweyn iiij gr. iiij ℔
 Idem vor iiij nosel maluastir in die Koche viij gr.
 Craß vor iiij Kannen lantweyn j gr.
 In Burger Keller vor bier j.ß. lvj gr. iiij ℔
 Item Thomas schobel vor honig Zaffran andre wurze Mandel vnd Rosyn xlvij gr. j ℔
 Item vor j hasen v gr.
 Item vor bier Raster in die Koche iiij gr.
 Burger(meister)s weyne v halb stobichen salben weyn vnd j stobichen Rotweyn facit x gr. vj ℔

Verblibe von solch Hauptmalgheydt als ein winzig Erinnerung nur die Gewonheit, daß man yed Jar den Pawler- vnd Barfußers-Herrn vnd den andern Conventen der Stadt an

dem Tag einen mäßigen Trundt vererete, sich zeeerholen von der Müh vnd deme Schweiß des Processes; gabe man aber davor kaum ein halb Schock vß.

Vffrur vnd
Wider-
bellen vffm
Rathawß
wirdt
gebußet.

Ginge aber bey all solch Collationibus sein erbar zu vnd eintrechtigligk, on Zandken vnd Widerbellen, denn achtete ein jeder sein vnd der Stadt Würden und Ansehn. So aber dennoch einer erhube ein Widerwillen vnd Vffrur oder grobe Worte gab vnd honsprachete, griff den der Richter, oder Iudex. War das nemblich der Oberste vber die Nachtwechter, Zirckler vnd Fronen, den man izo nennet mit einem verwelschetem Namen Polizei-Director. Der sagte den Vbelteter in Gewarsam oder vff den Thorm vnd legete ime vff ein schwer Pen, wie z. B. vffgezeichnet stehet im Register des 1492. Jars:

Wilhelm Krahen hat Jacoff Thomel vff dem Rathawse mit flacher hand geslagen hat dorumb dem Rathe vß. xv gr. Silber.

Jacoff thommel dor umb das her wilhelm Krahen vff dem Rathawse mit einem degen gestochen hat dedit pro poena vß. xv gr.

Geschahe das aber nur selten.

Reysen der
Herrn in
Geschäften
der Stadt.

Ist allbereyt angezeiget, wie man sorgete vor die Gesundheit der Herrn, daß die nit befiele ein Gebreste oder sie verturben in ir sawer Arbeit, so in der Stadt selbst, als auch vff Reysen vnd Heervarten. Denn hatten vil herumbgezihen die Herrn, bevorab die Burgermeister, so in Geschäften der Stadt, als vff Heischen V. G. S. zu Dreßden, vff den Landtag gen dorten, oder Torgaw, Numburg vnd sunsten, ouch in Rechtshendeln gen Mersburg vnd anderswo, vnd so man ließ richten Vbelteter in der Umbgegend, die der Stadt Burger vnd Insassen geschediget hatten. Zogen dan vß die Herrn mit reysigem Zeug, vnder Geleyt der reyttenden Knecht der Stadt, so man nit etwan rüstete der Stadt Wayne vnd ihn new staffirete mit blaw oder schwarz Zwickisch Tuch vnd stopffete die Kissen mit Wolle, daß die Herrn nit schewreten iren Zindersten vff den vnfeinen Straßen. War aber die Reys weit vnd hett man vffrecht zeeerhalten der Stadt Würden vnd Sürnembheit, als Anno 1499, da Burgermeister Doctor Johann

Johann

Johann Wilde zoge gen Colen vnd ins Niderlandt zum Keyser Maximiliano von wegen der Freyheiten der Merckte, thet man ein Vbriges vnd fleydete der Stadt reyttende Knecht in neue Röck von roth lundisch Tuch vnd darvnder ein Sutter von geschmitzeten Barchent, gab ine ouch neue statliche Hüt vnd große Stieffelen. Ließe man ouch frisch paliren vnd schmieren die Sturmshawben, Krebeß vnd Harnasch vom Plattner oder Panzermacher, daß sie blizeten als eytel Silber.

Doctor
Wilde
zihet ins
Nider-
landt.

War aber zu der Zeit gar vbel bestellet mit dene Kretscham an den Straßen, warn meher ein Herberg vor Wangen vnd Glöhe, ouch Silgläws vnd Schwaben, dan vor Christenmenschen vnd gar vor gestrengte Herrn vs fürnemen Städten, vnd ouch gar tewer die Herbergen in den Orten. Denn verlangeten da vor ein Malzeyt von vier Schüsselen one den Trunc zween Groschen, so doch der Rat sie gesezet hatte in der großen Stadt Leyppzig mit sampt den Trunc vff diese Summam. Süllete also der Rat seinen Gevolmächtigten vff die Keyß einen Labtrunc in, je nach Bedorffniß von vier bis zu acht Stobichen oder Kannen Reynfall, ouch alden Reynischen Weyn, dan vil Lymbekisch Bier, ouch wol ein halb Stobichen Maluesir oder meher zu besunder Ergezung. Stehet darvon 3. B. in den Registern von

Bier vnd
Weyn den
Herrn in-
gefüllet vff
die Keyß.

Anno 1473. Vff Sonnabent nach (?) als die HERN gein Belig zcu dem Bischove furen gefollet ij Kannen ꝛ nossell maluasier vnd ix Kannen franckenwein.

Anno 1474. Item die hern dye czeit (nach Dresden) ezliche flasschen gefollet mit Numburgisch vnnnd Turgisch byer die sie mit sich genommen haben xlvj Kannen sat xx gr. viij \mathcal{L} .

Anno 1479. Item vor daß getrencke als die HERN vf die Reise gein Dresden haben sollen lassen nemlich vor viij Kannen Maluasier vnd bier geben j \mathcal{L} xiiij gr. Silbern.

Anno 1497. Die Herren vnd Burgermeister vff die Keyse gen Merßburg ingesult x Kannen Reynischweyn vnd ij \mathcal{L} . Rotenweyn viij \mathcal{L} . Lymb. vnd vj \mathcal{L} . freyberger bir facit xxiiij gr. ij \mathcal{L} .

So aber das Geschefft, so die Herrn zu verrichten hatten, ein sehr sweres war vnd vil Weyßheit vnd Oberlegung bedorfft, füllete man noch meher in, daß sies vnderweges reifflichen erwegen vnd beslassen mochten, als in

Anno 1486. Sabto p. omn. sector. die hern alle drey Burgermeister des ander mal zu Dresden in der sachen des Numburgischen Bierzols gewest ingefult vj fl. j quartitichen maluesier viij fl. Rh. wein vnd xxxvij fl. Numburgisch vnd torgisch Bier j nossel j fl. ix gr. vij l.

denn war alls, so das Bier vnd den Trunck betraffe groß wichtig vnd vilen Kathis bedorfftig. Wurden vbrigens ouch vorvffgesandt Boten, die bestelleten vnd rüsteten die Herbergen, daß ein erbar Rath zu nächten vermügete in inen, wurdet solchen Boten wol ouch noch was besunder Leckeres mitgegeben, als Confect oder Sechte, daß sie den Herrn ein besser Malzeit richteten, denn dorten erhältlich.

Seyndt igo
böse
Zeiten.

Ists zwar igo besser worden mit solch Herbergen; war ouch ein Jammer mit anzuschawen, solt Ern Doctor Bruno Tründelin alias Tröndlin mit solch Ungezieffer nächten vnd verschimpfiren seinen ründlichen Leyb, so doch lieblich anze sehen ist. Ist aber im vbrigen nit worden gebessert, sundern gebösert, achtet man nit meher gnugsam vff der Stadt Ehr vnd Würden. Vnd so Ern Doctor Otto Jürgens alias Georgi zihet von dannen vffn Lanndtag gen Dresden, oder vffn Reichstag, so man igo haldet zu Berlin vnd Cölln an der Spree, geleitet ine kein Stadtknecht (heißet man aber igo Schuzmann), daß es habe ein Ansehn, wie es doch gebürete der Stadt, so er vertritt vnd eret mit feynen vnd wolgesageten Orationibus. Vnd fure doch noch biß in jüngste Zeit Tag vor Tag ein Stadtknecht hin vnd wider zwischen Dresden vnd Leypzigk, man weiß nit warvmb. Wird dem Burgermeister ouch nichtes meher ingefüllet von der Stadt wegen, stecket ime nur in sein Sawßfraw ein Semmeln mit Worst oder behemischen Käs, doch vff sein eygen Kosten.

Groß Freud
so die Herrn
wider
heimbke-
ren.

War aber dazumalen ein Keyß gar ein groß Beschwernuß, vnd nit on Särnuß, maßen der Stadt war mancher Seind, hett ir ouch wol abgesaget, selbst ir eigen Burger, als Georg Elling der Gerber in Anno 1524. Vnd zwacketen solch Seind die Herrn gar hefftigligk, so sie sie fingen, wie ist widerfarn Burgermeistern Doctor Ludwig Sachsen im 1532. Jar, als ine

ine der von Haugwitz in den Thorm warff zu Tauche. War also allemal ein groß Freud vnd dahero der Durst ouch besunder starck, so die Herrn wider inheymbsch wurden vnd kámen die vom Rat all beyeinander in des Burgermeisters Hawß, trancken dorten mit besunder Lust vnd hielden eine feyn Malzeit vnd verzeichneten davor in den Registern von zween bis zu vier Schock, als es z. B. heisset:

Anno 1473. Item als die hern widder qwomen von Belig zcudem burgermeister getruncken vff ein kerbe xiiij Kannen franckenwein.

Anno ? Item als die hernn vom lanttage einheymbsch kommen ein malzeyt ins Burgermeisters hawse gehalten verzert ij \mathcal{L} . xxij gr. iij \mathcal{L} .

Haben die Herrn vns ouch vffbehalten, wie sie solch Flei-
ner Collationes vßgericht, vnd sind noch mancherley Zeddel
vnder den Schrifften zebefinden, als der hie folget:

Ander
Speyßzed-
del der
Herrn bey
solch
Srolichkeit.

Item j hazen vor vj gr.

Item viij raphuner x gr.

Item j sweynbraten ix \mathcal{L} . iij gr. iij \mathcal{L} j h.

Item j virtel schopffensfleysch vor iij gr.

Item j virtel kalpfleysch vor ij gr.

Item ij \mathcal{L} . vogel vor vj gr.

Item vor ij graffe (Krammers?) Vogel.

Item iij \mathcal{L} . spegk vor iij gr.

Item j ganssch vor iij gr.

Item vor brot vnd semmel x gr.

Item ij \mathcal{L} . eppel vj gr.

Item iij \mathcal{L} . nosse j gr.

Item ij \mathcal{L} . gefloste putter ij gr. ij \mathcal{L} .

Item v \mathcal{L} . putter iij gr. iij \mathcal{L} .

Item j \mathcal{L} . eyer vor xx \mathcal{L} .

Item ij gr. vor teppe.

Item iij gr. vor iij \mathcal{L} . (Kannen) most.

Item ij \mathcal{L} . kleyn rosyn vor iij gr.

Item vj lot jngeber vmb v gr.

Item v lot negel viij gr.

Item j lot pfeffer j gr.

Item j lot saffran iij gr.

Item ij \mathcal{L} . czugker das \mathcal{L} . vmb iij gr. facit viij gr.

Item ix gr. vor grüne fyßche.

Item vj gr. vor karpfen.

Cijj

Item

- Item ij gr. vor stogkfisch.
 Item iiij gr. vor bratsfische.
 Item xx ℔ vor pagkfische.
 Item vj ℔. play hecht daß ℔. vmb x ℔ facit v gr.
 Item j gr. vor grünkrawth.
 Item iiij ℔ vor pottercille.
 Item j gr. vor merreddich.
 Item j gr. vor kompeste (?)
 Item j gr. vor essigk.
 Item x ℔ vor salcz.
 Item ij ℔ vor mehel.

Summa ij ℔. vj gr.

vj gr. vor j behemischen Kese

j gr. vor bratherinnng

Der Koche trangk gelt x gr.

Sihet man darin die weis Fürsicht der Herrn, denn machten sie den Beschließ des Nachtisches, so man izo mit welscher Zungen nennet Dessert, mit dem Hering.

Ward aber die Collation gericht in der Fasten, wo die heylig Kirchen dazumalen verlangete, daß man den Leyb kasteie vnd faste, verbrauchete man weniger an Speysß, alsß folget:

- Item vor grünefische viij gr.
 Item vor iiij Karpenn viij gr.
 Item vor pagkfische ij gr. viij ℔.
 Item vor bratheringe iij gr.
 Item vor fysche ij gr. iiij ℔.
 Item vor bratsfisch ij gr.
 Item vor grünkrawt viij ℔.
 Item vor salcz j gr.
 Item iij ℔. gesmelczte putter iiij gr.
 Item vj ℔. playhecht vj gr.
 Item vor essigk iiij ℔.
 Item vor mehel iiij ℔.
 Item vor merreddich ij ℔.
 Item vor appel birnn nosse iij gr.
 Item vor broth vnd semmel v gr.
 Item vor lay j gr. iiij ℔.
 Item vor j stobichen lant weyn xvij ℔.

Summa xvij gr. ij ℔.

Der Koche trangk gelt (?)

trandt

trandt aber davor desto tapfferer, maßen es von Alters her heißet, daß die Fische wöllen swimmen.

Hatten aber die Herrn all Jar noch ein besunder Gelegenheit zu einer feynen Collation. Denn kamen da Jegerslewte von V. G. S. dem Herzog von Dresden, oder von dem Abte zur Alten Zellen, die brachten dem Räte ye ein Hirschen zum Geschenck, oder vom Bischoff von Merßburgk, der schickete ein wild Schwein, vordeme die alt Herzoginn zu Aldenburgk gar deren zween. Hatte der Rath nemblich solch wild Gethier nit in seim Holz vnd hett man doch noch nit ingefüret den Kalschlag, so daß selbst ein Vöglein sich nit meher bergen mag im Busch. Ist nit mit anzusehen, wies der Koch leyden mag, vnd ist doch ein groß vnd mächtig Jegersmann, als der Nimrod. War aber solch Wilpretten ein Gegengeschand vor das Daß Keynfall, so man jährlichen V. G. S. zu Dresden sandte, darzu auch vor den grunen Lachß vß der Elbe bey Deßen vnd den nawen Hering, ingleichen vor den behemischen Meth.

Wirdt vß all dem offenbar die Weyßheit vnd Kunst der Herrn, vnd daß sie wolgeschicket zum Regiment; ist also ouch nit vorwundersamb, so sie ein gut Vffsehen hetten, daß die Leybs Narung wår gut bestellet in der Stadt vnd gnugsam vors Gelt vnd die Gewercken, so selbe schaffeten, die Burger nit bevorteilten. So dahero die Becken die Semmeln zu Klein machten vnd das Brot zu gering, oder so die Fleischhawer ein Oberkawff theten, auch nit abhawn wollten, als mans verlangete, wurden sie gebüßet vmb Gelt, oder in den Thorm gesetzt, ine ouch das Handtwerck geleyet, ganz oder eine Zeit lang. Vnd war man besunder streng, so da verterbet Fleisch gereicht wurd, darvß erwachsen möcht ein böß Pestilenz oder Sterben. Stehet derhalben geschriben in den Registern vom 1498. Jar vnder der „Inname von gericht pen vnd bußen:“

Item der auffdecker hat seinen Knechten von einem Schwein hat die francosische Franckheit gehabt zu Essen gegeben dedit pro pena 5 *ß*. Büßet man hütigs Tags keinen Fleischhawer also schwer, er hofire denn in den Schnee, vnd dann nur vmb eins Schillings.

Sorgete

Wilpretten
essen der
Herrn.

Kalschlag
nit gut
vor Vogel
vnd Wil-
pretten.

Fleisch-
hawer
seynd
böß Lewt.

Stadtgräben werden gut besetzt mit allerley Fisch.

Sorgete ein erbar Rath vß gleicher Fürsicht ouch vor die Fischzucht, maßen der Fisch vil von Nöten in der langen Fastenzeit, bevorab vor den Rath selbstem. Hielde also seine Teich vnd fürnemblich der Stadt Gräben wol besetzt mit allerley Fischen, vnd zwar am Kannischen Tor mit Karpfen, dargegen am Hallischen vnd an der Barfüßerpforten mit Zechten, leglich seit dem 1482. Jar bey den Barfüßern ouch mit Karpfen, gabe ouch ein groß Geld vß vor Saghecht vnd Sagkarpfen, solch Gräben vnd Teich frisch zu besetzen, so die Zucht war geschediget worden. Kam das vor; heißets z. B. im 1485. Jar:

Ein Otter gefangen im 1485. Jar.

Item vnß. g. h. Otterer eynen otter vff des Rats großen teiche gefangen zuuortrincken v gr.

vnd war solch großer Teich der vor dem Peterstor. Vergnugeten sich die Herrn ouch selbstem jezeweilen mit dem Fischfang vnd hielden dann zur Erholung vnd Fürsorg des Schadens, so ine die Nässe anthun können, ein Klein Collation als angezeiget ist z. B. in Anno 1475:

Vff sonnabendt Marie Magdalene fur die hrn des Rats vnd der andern zweyer Kethe als sie gefischt haben im nawen teiche zcu der Collacyon ins Burgermeisters ludwig scheiban huße (fur Byer, weyn, brot fleisch putter vnd Speck vnd fur alliß vorczert ij \mathcal{L} . xxxviii gr. vnd iiij \mathcal{L} .)

Vnd so sie von dem Oberfluß der Gemeynheit mitteilten vnd ir verkouffeten, theten sie sich widerumb ein Klein Ergezlichkeit vor die gehabt Muß, wie vffgeschriben stehet im 1480. Jar:

Item vor den Burgermeister, die Herrn des Rats die obir den fischen gestanden vnd verkauft haben, auch fur die diener die gefischt haben vnd die nach Wechtergeld gegangen sindt, vß zwo maltzeit verzert ij \mathcal{L} . x gr. Silbern.

Collationes vßer der Ordnung des Regiments.

Warn all solch Collationes aber nur die gewonlichen, so da bestunden vff der Ordnung des Regiments; warn darvber der Gelegenheiten noch vilerley, daß man thete einen guten Trunck vß der Gemeynheit Säckel, wie solchs alls ist vffgeschriben in den Registern. Sett man hinaußzeziehen vor die Thor

Thor

Thor vnd die Awen zu besichtigen, ouch die Flußläwff vnd die Schiffart, dan die Parde vnd die Fischey darin, darvmb man haderte mit dene Thommel. Vnd füllete man darzu in Bier vnd Weyn zur Genüge vnd thet ein leicht Collation da drauß mit Eyern vnd Hünern, oder so die Arbeit war gewest besunder groß vnd swer, wie allermeist, hielde man bey der Heimbker ein Malzeyt vff dem Rathawß oder bey dem Burgermeister vnd verzereete darbey von zween biß zu vier Schock vnd noch meher. So aber besichtiget ward die ganze Gemarkung, wie jeweilen daß man sehe, ob ouch die Mahel noch in Ordnung, lude man darzu die jungen Gesellen vß den Geschlechtern, daß sie den Herrn das Geleit gäben in reysigem Zeug, damit es hätt ein statlich Ansehen, als es zimet der Gemeynheit. Ward dan gehalten in der Heimbker gar ein tapffer Gesäußt vff dem Rathawß, vnd schribe man darvor manch Schock Groschen in die Register, als 3. B.

Anno 1479. Vff Sonabendt post Kiliani, als die Hern aller dreyen Kethe zu Belig in der awe gewest syn vnd die Maell besehn haben, vorzcert allenthalben vj *ß*. xviii gr. j *℔* j hlr.

Anno 1481. Item zu Canewitz vnd zu Raschewitz, als die hern aller dreier Kethe daselbst gewest sind, vorzcert, die Maell besehen ij *ß*. liij gr. iij *℔* j hlr. Silber.

Anno 1483. Sbto p. Viti als die Hern vnd alle drey Kethe in der awe zu Belig warn vnd auch zu Waryn mit friderichen Blancken die mahel zweschen ym vnd dem Räte besehen vnd uf den abendt vff dem Rathause vor alle drey Kethe vorzert vnd usgeben v *ß*. liij gr. v *℔*.

Anno 1488. Sabbato post Johis Bapt. der marschalck Er Hans von Minckewitz vnd der Hofmeister neben den Kethen daß weichbilde vnd die mahel besehn vff dem Rathawse vor die Collacion vnd Essenn vor sie vnd alle drey Kethe komen außgegeben iiii *ß*. xxv gr. iij *℔* Silber.

Anno 1490. Item die hern aller dreier Keth die parde besehn vnd dor nach vff dem Rathawse Collacion gethann verzert v *ß*. xvj gr. j *℔*.

Anno 1493. Item die hern aller dreier Keth zu sampt etzlichen Burgerfönen in des Rats awen gewest vnd die mahel besehen vff dem Rathawse als die heym komen vff eine malzeyt vnd zu belig verzert v *ß*. xiiij gr.

Kame aber ouch vor, daß die Herrn ein groß Gasterey vnd Frolichkeit anrichteten vor die gesamt Fründtschafft, wie im 1490. Jar in Raschwitz gescheen, darvon es in den Registern heißet:

Item (Sabb. post Nativ. Mariae) die herrn aller dreyer Reth ein Collacion vnd frolickeyt mit eglichen Nachwarrn vnd Burgerß Sonen zu Raschwitz gehalten verzert xij β . xviii gr.

Garten=
gesellschaft
ein besun=
der Fro=
lichkeyt.

oder daß sie zesampne kamen in eins der Herrn Gärten, als beym Blasbalg oder Leymbach, darzu ein izlicher von seim Lygen stewart, aber ouch angezapfet ward gemeyner Stadt Kasten. Nennet man das hütigs Tags Picknick vnd besagen darvber der Stadt Rechnungen z. B. in

Anno 1486. Item die herrn aller dreyer Reth zu blasbalgs garten collacion gehalten in die Koche zunortrincken xl gr.

Anno 1487. Scto post Allery die hern aller dreyer Reth in blasbalges garten gewest vnd Collacio gehalten zu Stewer vnd ober daß sie selbest gegeben haben j β . ij gr. Silbern.

Warn das wol Frolichkeiten, so man anitzo ein Vorversamb lung nennet; rüret man alda den Teig in, darvß man die Ratsherrn bäcket.

Gedinge
in dene
Dörffern
bedorfft ein
lein Er=
getzlichkeit.

Ouch so man hielde die Gedinge in den Gerichten zu Rewdenitz vnd Lwderitzsch, so dem Rathe zustendig warn, füllete man ouch in egliche Stobichen Weyn von allerley Art vnd darzu vil Bier, maßen es allzeit ein schwer Vffgab gewest zu handeln vnd zu reden mit den störrischen Bawern. Aber war man lewtselfig vnd niderträchtigß gegen das gemeyne Volk, schanckete dahero den Srawen der Ortsrichter von sechs Pfennigen biß einen Groschen zu Semmeln vnd Cosent; denn den Weyn vnd das gut Bier trancken die Herrn selber.

Das
Srawen=
zimmer
wirdt all=
zeit geeret.

Zeiget solchs schon genugsamb an, wie die Herrn warn wolgeneiget dem Srawenzimmer vnd forgeten davor, daß demes selben all Achtung erweyßet würdt. Zattens Hans Westval vnd Fridrich Kastener mercken können, da sie im 1490. Jar ein Schandtlid von eglichen Kramer knechten vnd Borgerin gemacht; büßete man selb vmb xxx Groschen. Ja, warn die
Herrn

Herrn selbst fründtlich gegen die gemeynen Dirnen vnd freyen Srawen, denn reicheten ouch ine ein Tranckgeldt von v Groschen, da sie in Anno 1489 die Wasserläufft besahn vff der Nawstraßen.

Gönnete also ein erbar Rath ouch deme Srawenzimmer ein gebürend Ergezlichkeit vß der Stadt Kasten, bevorab den Srawen vnd Meydlein vß der Fründtschafft. Luden die Herrn sie in vffs Rathawß, daß sie Theil nämen an der Lustbarkeit vnd am Gepränge, so es der Stadt Ansehn erforderte vnd sie selbe vertreten möchten vor hohen Srawen. Heißets z. B. in den Registern des 1485. Jars:

Rats-
frawen ir
besunder
Vffgab vnd
Lustbar-
feit.

Item meher als sich die Raths frawen zu des Burgermeisters hauß gesamelt vns. g. f. zu empfabenn geschanckt iiii fl. Keynsal vnd ij fl. Keynisch weyn xvj gr. iij \mathcal{L} Silber.

Sett sich nemblich V. G. S. Herzogen Albrechten Gemahel mit Hofe hewßlich allher gewant vnd wurdt ir von Rats vnd gemeyner Stadt wegen zu Hawßstewer vnd Vererung ein silbern verguldt Schewer vor lxxxvj Goldgulden gestift, vnd darin l Gulden an Golde, thun zesampne xlvj β . xxxvj gr. Silber. Mong, vnd vberreichten die Rats Srawen das.

Scheints, freweten sich die Herrn darob, so das Srawenzimmer es ine vast gleich thet im Trunck, als da sagen die Register:

Item vff vnsers g. h. herzogen Albrechts begengnis in des Burgermeisters hauß vor die frawen geholt xviii Kannen Fogschperger most, xxxvj Kannen torgauisch vnd freyberger bier vnd viij Kannen lantwein facit xxxviii gr. iij \mathcal{L} .

Vnd schon vordeme im 1483. Jar:

Sabto post vocem Jocunditatis als die hern aller dreier Kethe mit-
samt Juncfrawen vnd frawen in der Crewz Woche zu Raschewitz
warn verzert iij β . xviii gr. vj \mathcal{L} .

Gaben ine aber doch nur von dem leichtern inheymbschen Weyn!

Thuet mans igo nit meher, läßet dargegen, daß sich Gott erbarm, das Weyblein daheymb, nemblich die Herrn so eins haben, vnd wennis hoch kompt, bringet der Eherr ime mit ein

Ern Mat-
thies redt
sein
Sprüchlein.

Dij winzig

wingig Stücklein Gebäckens, so er heimlichen practiciret hat in den Sack. Aber werden dennoch geeret in ander Weysß; denn ist gesezet ein besunder Rats Herr, heisset Matthies, der bringet allemal vß uff das Srawenzimmer gar ein fein Sprüchlein, vnd erhebet sich darvff ein groß Geschrey, heisset zu Eren desselbigen Srawenzimmers. Aber haben die Weyblein nichts darvon.

Rat libet
die Kunst
der
Poeterey.

War ouch der Rat in solch Gelegenheit allzeit ein Freund vnd Gönner der Poeterey vnd der schönen Künsten, schandete zehen Groschen, so ime ward vberreicht ein Carmen, ingleichen so sich ime fürstellten die Parcevalen oder Parzefanten frembder Fürsten vnd Herrn mit wolgesezeter Werbung vnd Rede. Hat darvor der Rat anigo in seiner Mitten selbst Herr, wol erfarn in der edlen Kunst Poeterey; zalet ine aber nichts. Vnd seynd doch weise im Rath vnd darbey gar lustige Vögel vnd feine Schalcksnarren, gar bewandt in Humanioribus et Historiis naturalibus, die seynd nit holzen, würgen gar kräfttig die Malzgeyt vnd erheitern manchen nach der sweren Arbeit. Seynd dargegen schier verschwunden vß den itzigen Gelagen die schön Schewren, Köpff vnd Schiff, silbern vnd verguldt vnd vß Venedigsch Glas, so der Rat vordeme bewarete in seinen Truhen. Ist anigo gar ein groß Hetz darvff, so man eins findt. Stellet mans dan hinder ein Glas, gaffets an, trinckt aber nit meher darvß, heldet nur der Scharpff ein wolgesagt Reden darvber ein Stundt lang oder meher, daß mans kouffe vor sein Museum.

Sraw
Musica.
wirdt ge-
eret.

Spileten ouch vff bey solch Malzgeyten die ersamen Stadtpfeiffer; die stunden in der Stadt Lon vnd trugen derselbigen Schildt in Silber. Hatt sich der Rat ein lang Zeit behelffen muß mit andrer Herrn Diner vnd Musikanten, vnd sich vffpfeiffen lassen von V. G. J. Sawßmann vff der Burg oder gar vom Sawßmann vnd Seygersteller zu St. Nicklas. Hatte ouch 3. B. im 1487. Jar des Herrn Erzbischoffs von Magdeburgk Peuckern, so ime zum Tanz gebawckt, xxj gr. gezalet, ist ein Goldgulden. Denn libete man albereit dazumalen
Sraw

Sraw Musicam gar sehr vnd erete sie; ließe ouch keinen Spielmann, Lawtenflaher, Harpffer, Sackpfeiffer oder Drommeter eins frembden Fürsten durchziehen durch die Stadt, man schandete ime denn einen statlichen Erentrunck von xx gr., dieweilen Pfeiffer vnd Spielleut seynd allzeit durstig gewest. Den Sengern des Romischen Königs aber gabe man im 1490. Jar gar xl gr., dargegen den Peuckern vor gewonlichen nur v biß x gr.; die machen zu vil Lerm. So man aber izo läset vffspilen zu der gelben Suppen, da wandert meist der Pfeiffer einer herumb bei den Gessen vnd samblet in ein besunder Gröschlein. Ist ein schandtlich Vnsitte.

Ist noch zu melden von der Gunst so ein erbar Rat dene schönen Künsten zugewandt. Hatte derselb eben sein Freud an jedwed Geschicklichkeit vnd Kunst, berieffe solch Lewt, so sie vbeten, vor sich vff die Ratsstuben vnd ließe selb vor sich gauckeln vnd springen, ouch ir Drachen vnd Ungetüm vffzeigen. Weisens genugsam vß die Register, alß z. B.

Ingleichen die schöne Kunst, alß Gauckeler vnd Springer.

Anno 1471. Vff Sonnabend nach martini dem gelt narren des Bischofs von wurzburg dyner xx gr.

Item Vrbinichen dem gelt Narren geben vj gr.

Anno 1474. Vff Sonnabendt post Nativitatem marie eynem Abentewrer, hat ezliche Behendikeit vor dem Rathe getryben, geben zcu vortrincken vj gr. hoer mong.

Item eynem Stommen vnd abentewrer geben x gr. zuuortrincken.

Anno 1479. Vff Sonnabendt Dyonisiij eynem abetewrer geben vj gr. Silberm mong.

Item dem bisschoue eynem ebentewrer geben zu Trancgelde xx gr. Silberm.

Anno 1480. Item einem abentewrer vnd springer vor den hern gesprungen xx gr.

Anno 1482. Item dreien abetewrern vnd Springern zuuerttrincken geben x gr. Silberm.

Anno 1485. Sabbato post Michaelis eynem Fackeler (Gaukler) mit eynem trachen zuuorerung geben xxj gr.

Item eynem Fackeler mit eynem pferde vnd andern zuuortrincken geben v gr.

Anno 1489. Sabbato post Remigy zweyen walen Springern zu vererung geben x gr. Silberm.

zu geschweigen der Vererunge, so man offtmalen den Graffen vnd Herzogen der Ziganen geben hett; war aber deß merenteils vrsach, daß man sich irer vmb so baldter wider zu entledigen vermeynete.

So aber solch Kunst gar warn ingeben von großer Weysheit vnd Gelartheit ließe der Rat sichs Kosten ein groß Geld, heißet das vß der Stadt Kasten, solch geheimb Kunst zu erwerben vor die Gemeynheit, alß er im 1478. Jar gegen Meister Claus vom Rhein getan:

Item Meyster clausen von Reyn, vor ezliche Kunst, wein zu rechtfertigen, Korn zu enthalden, vnd Musse zu vortriben, geben xvj fl. faciunt xv fl. xviiij gr. (?)

Ist aber izo das Verstandnuß vor solch hohe Kunst ganz schwunden vnd vßgangen vnder den Herrn; wöllen solch farende Lewt abschaffen vß der Stadt vnd von den Merckten, vergönnens ouch nit den Nackwarn vß der Umbgegend, so doch solch Verstandnuß noch bewaret vnd eren solch Kunst vnd Wissenschaft, daß sie sich daran mögen ergezen.

Vnd geschaher solchs alls in Dinsten der Stadt, zu irer Er vnd sunder Abbruch der Würden, so da zimet einem Rats Herrn oder Eldisten. Warn ouch allzeit bereit sich zu frewen mit der Burgerschaft, so es sich schickete vnd war die Gelegenheit; gönnete ine darvmb ouch die Burgerschaft, daß sie hetten die Hände im Kasten der Stadt, dieweilen sie ir ouch hin vnd wider darvß etwan mitteilten.

Mayen
werden den
Herrn ge-
schancket
zur
Pffingsten.

Wars zum Exempel schon dazumalen Brauch zur Zeit der Pffingsten, daß man die Hawsen schmückete vnd die Kemmenate mit Mayen; vnd darmit die Herrn vom Räte vorangingen alß die Sürnembsten, kouffete man der Mayen vor ein Schock vnd meher, schribe das in die Rechnungen vnd schanckete sie den Herrn. Aber zur Kirms der Kapellen Vns. Liben Srawen vff dem Rathawß da kouffete man nur vor viij Pfening Gras sie vßzezirn; vnd war doch ein gottsforchtig Zeit, meher dan izo.

Vnd

Vnd hielde mans nit vor Vnrecht, daß neben den Heymb-
lichkeiten der Stadt wurden gehandelt vffm Rathawß ouch
all Ding vnd Lustbarkeit so fürkommen im Sawßwesen der
Burger. Wurden dahero vßgericht alle fürnemern Hochzeiten
vnd alle Tantz, bevorab die bey Hochzeiten vnd der Gewercke
vnd die Saßnachtantz vffm Rathawß. Vnd saßen die Herrn
vom Rat darneben in der Stuben vnd freweten sich, wie sich
vergnügete die Gemeynheit, ouch wie sich die jungen Gesellen
vnd die Juncker zirlich macheten vnd löffelten mit den Jung-
frawn. Hatten darbey ein Vffsehen, daß alls in Züchten zu-
ginge vnd in Erbarkeit, bevorab im Tantz vnd in den Trachten,
wie es vffgeschriben stund in den Ordnungen, ouch nit geschehe
ein Vffrur vnd Vnfried, von wegen des Vortanzes, so zween
Hochzeiten zesampne kämen.

Hochzeiten
vnd Tantz
werden
vffm Rat-
hawß ge-
halten.

War solchs eben von Nöten; denn warn die Burger,
bevorab aber die Weybslewt, gar geneiget dem Hoffarttwffel
zu fronen vnd der Vßgelassenheit. Zett ein erbar Rat dahero
schon im 1477. Jar ein new Ordnung vßgehen lassen gegen
den Vffwand in Trachten mit syden Kleidern vnd güldenen
Kleynodten, ouch gegen das sündhafft Sledenfarn vnd die
Trotter- vnd andre neue Tantz. War insunderheit verordnet,
daß Niemand sich verdrehete im Tantz oder schwenckete das
Weyblein im Reihen, so es aber dennoch einer thet, griff den
der Richter vnd büßete ihn vmb x bisß xl Groschen, oder setzete
ine noch darvber ein oder zween Tag ins Gefängnuß, geheiß-
ßen Hundehawß, insunderheit, so er das Maydlein also ge-
schwencket, daß sie entplößet worden, wie im 1526. Jar Hans
Schuler getan, ein Schneydergesell. Geschahe solchs ouch on
Ansehen der Person, so sie nur warn Burger vnd vnder des
Rats Gerichtsbarkeit; hats ouch erfarn Peter Bengenbach in
Anno 1524, alsß er sich vff Thomas Arnolds Tochter Hochzeit
am Tanze verdrehet mit seim eygen Weyb. Vnd war doch
ein frumb vnd erbar Mann, hielde trew am Euangelio, ist
ouch später in Anno 1533 vmb derselbiger Trewen halben
gangen ins Elend.

Verdrehen
im Tantz
vnd Trotter
Tantz ab-
geschaffet
vnd
gebußet.

Verfure

Doctor Cu-
bito ein
grober Ge-
sell.

Verfure der Rat aber mit meher Glimpf, so sich handlete vmb gelarte Lewt vnd vmb der Hohen Schulen Verwandte, die pocheten vff ir Würden vnd Privilegien vnd vff die Compactata, als z. B. geschehen ist in einem Vffrur, den erhube vff dem Rathawß in Anno 1532 Doctor Wenzel Beyer, geheißen Cubito dieweilen er bürtig von Elnbogen im Lande Böhheimb. Der hatte sich groß erboßet, daß man seym Knecht, der war Hochzeiter, nit den Vortanz gelassen im Reygen vor einer zweeten Hochzeitergesellschaft. Erhube darob ein vnzüchtig Geschrey, honsprachete vnd schimpffete vor allem Volck die Herrn vom Rath, so ihn besänfftigen wollten, grobe Eßel vnd sagete, er schiffe vff solch Ratsfreundt. War das ein sehr vnangenehm vnd vnswaber Wesen. Hats izo der Rat von Nöten, daß man ine salbe, kann man den Jung rufen, thuts säwberlicher vnd sunder Gestand. Wissens ouch die Eldisten; denn so der Bär, der Truckherr, sich waschen will, bettelt er den an vmb ein Stücklein Seiffen, so nach weißen Rosen richet, nit nach Hinterindien, daß er in eim guten Ruch stündt bey Jedermann; frigets ouch.

War aber dazumalen der Doctor Cubito ein Schwager vom Doctor Pistoris, der war Kanzler bey V. G. H. dem Herzoge zu Dresden, vnd schribe man disem, möcht doch seinem Herrn Schwager fründtlichen zureden, daß er dem Räte schuldigen Abtrag thue, könnnt man ine sunst nit inladen zum Saßnachtange.

Magister
Heinrich
von Rochlitz
veruneret
die Rats-
Srawn.

War das ein gar vnflätig Anerbieten gewesen, so der Doctor Cubito gethan, hett aber annoch kein so böß Maul gehabt, als darmit im 1477. Jar Magister Heinrich von Rochlitz die Eheliebsten der Herrn vom Rat veruneret. Hatten nemblich Burgermeister vnd Rat die freyen Srawn vß der Stadt abschaffen wöllen, darob sich Magister Heinrich erkünet zesagen, es hetten doch egliche der Herrn ärgere Hurn hinder iren Erßen ligen, dan die wärn, so man vßtreiben wöllt. Hat sich aber der Rat gütlichen mit ime vertragen, vff Vorbitt des Rectoris der Universitet vnd der Doctores der Legisten,
da

da Magister Heinrich angeben, er wüßt von den Herrn des Rats vnd deren Weibern anders nit, denn alls Guts. War man eben darzumalen gewonet rein teutsch zereden, nit halb welscher Art, vnd kräfttig vnd war nit so böß gemeynet, als es Flang; würdt aber hütigs Tags gar anders ablauffen.

So es aber erbar vnd züchtig zuginge vff solch Hochzeiten, deß warn die Herrn hoch erfrewet vnd schancketen jezeweilen ein Däßlein Bier, so es sich handlete vmb eins ersamen Burgers Kindt, oder der Stadt Diner einen. Wenn es aber galt ein Hochzeit vß den Geschlechtern oder Ratsfründen, oder vil frembder Gäst zu solcher komen warn, dan warete der Rat der Eren vnd Gastfründtschafft der Stadt vnd wartete ine vff mit einer Collation von süßem vnd andern Weyn, vnd Confect vnd Zucker vnd Obes, als vilfach vffgezeichnet stehet in den Registern, 3. B. in

Rat wartet frembden Hochzeit-
gesten vff mit feynen Collationibus.

Anno 1486. Denen von Freiberg vff Blasbalgs tochter hochzeyt geschanckt vor Weyn vnd Confect ij \mathcal{S} . xliij gr. viij \mathcal{L} .

Anno 1494. Als die von ache Kempniz freyberg vnd Nurmberg zu Merten Bawers hochzeyt vff dem Rathawße gewest vor wein Bier vnd xvj \mathcal{L} . Confect außgegeben ij \mathcal{S} . xxxviiij gr. iij \mathcal{L} .

Anno 1499. Den Zwickischen hochzet lewten vff mesebergers hochzeyt geschanckt j stch. maluesier, j stch. Reynschweyn vnd j stch. Rotenn weyn facit xxviiij gr. vj \mathcal{L} .

Item meher vor sie außgeben als in der Rath vff dem Rathawße geschanckt vor v \mathcal{L} . confect weyn vnd bier außgeben lvj gr. vj \mathcal{L} .

Anno 1526. Mittwoch nach Cantate vff Hans pawers tochter vnd Donat Krellen hochzeit den frembden gesten eyn Collation von Weyn Zucker, obs 2c. gegeben vnd darvor vorthan ij \mathcal{S} . xij gr.

Montag nach Trinitatis vff Wolff Widemans vnd der Doctor pistorissyn tochter (sic) den frembden gesten von Freyberg Eysleben 2c. eyn Collation von süßem vnd anderm weyn, auch Zucker, obs 2c. gegeben, vnd darvor vorthan ij \mathcal{S} . ix gr.

Anno 1527. Dinstag nach Catherine virg. vff Doctor Johannis Spigels vnd der Doctor Kochelin hochzeit, aldo vil vom adel, auch sust vil redelicher lewte gewest, hat yne der Rath in der großen Stuben eyn Collation von weyn, Zucker, Obs 2c. gegeben, vnd dar vor allenthalben vorthan iv \mathcal{S} . xxxiiij gr. iij \mathcal{L} .

Ramelnacht
wirdt abge-
stellet.

Wollt wol darmit der Rat vorgelten, daß er im 1454. Jar die Lustbarkeiten beschräncket bey den Hochzeitzeiten vnd verboten hett die Ramelnacht zu feyern bey Pen von xx Groschen vor iglich Person. War nemblich vordeme so genennet worden die Lustbarkeit bey der Brawt am Tag vor der Hochzeit; hatte dieselbe Jungkfrauen zu sich ingeladen vnd vber Nacht bey sich behalden; wirdt aber nit gesaget, was die Meydlein da getriben.

Großer
Herrn
Hochzeiten
werden fein
vßgericht.

Griffe der Rat aber gangz besunder tieff in der Stadt Kasten, so es sich handlete vmb eins fürstlichen Diners Jungkfrauen ir Erentag, insunderheyt so solch Gestrenger stunde hoch im Rate V. G. Herrn des Herzogs, als z. B. Hugo von Schleinitz, der Obermarschalck, vnd Ritter Nickel Pflug, der Hauptmann vff der Burg zu Leyptzigk. Ginge es hoch her vffm Rathawß vnd vffm Markt, als des Obermarschalcks eldiste Jungkfrauen im Monat Januarj des 1477. Jars hochzeitete. Wars gar kalt vnd gabe man alleyne ein gangz Schock Silbern vß vor Kolen, das Rathawß vßzewermen; vnd ward gericht ein Stecheban vffm Markt, darinnen ein ritterlich Rennen vnd Stechen abzehalden. Brouchete man alleyne acht Tag darzu Stroh vnd Mist zefüren, den Markt darmit zu bestrawen, vff daß die Gesellen weich fielen, so sie vom Gaule gestochen wurden, vnd sich vß der Vnmacht erholeten am Wolgeruch. Vnd wurdt dem Herrn von Schleinitz ein Erengab gezeichnet von 1 Goldgulden, darzu ein Daß Lymbekisch Bier zu vj Gulden vnd ein Lagel Maluesier zu ix Gulden; vnd schanckete man darvber noch vß vffm Rathawß in wärender Hochzeit drey Lageln Keynfall zu vj Gulden, thyn ij ß xiiij gr. alder Münz. Beerete aber ouch Herzog Wilhelm solch statlich Lustbarkeit. Sind vile Item darvber in den Rechnungen des 1476. Jars zebefinden, als z. B.:

Item zu des marsschalckes Hochzeit vff das Rathawß gekaufft, ein fuder Kolen, dafur geben j s. voriger monz.

Item eynem tageloner der vff dem Markte zu der steche ban ein halben tag Stro gestrawet hat ader myst geben vj s. voriger monz.

Item

Item Benedicto moller hat v tage mist vnd holz gesurt geben I gr. voriger monz.

Item Hansen Steffan hat iij tag mist gesurt zu der Ban vff dem Marckt zu des Marsschalcks hochzeit geben xxv gr. voriger monz.

Item vor Becher vff des Marschalcks hochzeit vnd sur Krüge geben ix gr. iij s. j heller.

Wars ouch zimlich so, als die zweyte Jungkfrawe hochzeitete im 1482. Jar; richtete man widerumb ein Stecheban vffm Marckt, vberfurete sie aber dismal mit Sand, denn war der Mist des 1477. Jars wol nit gewesen vß der sechßischen Parfümerie-Sabrik des Jung, der sitzet nahe bey dem Rathawß. Wurdt dem Obermarschalck abermalen vereret ein gut Erentrunck von zween Lageln Reynfall, zween Lageln Maluesier vnd von zween Daß Numburgisch Bier. Vnd verzereete Vns. Gnädige Frawe von Sachsen, so dem Rennen zuschawete, bey solch Srolichkeit vij s Confect vor xlix gr. Silbern, so ir der Rat vorgesaget. Zett die hoe Frawe ein gut Appetit, wie man welscher Weyß saget, vnd noch ein besser Magen! Dem Ritter Nickel Pfluge aber, dem Hauptmann, dem schandete man im 1479. Jar zu seiner Tochter Hochzeit nur ein Lagel Maluesier vnd ein Daß Lymbeckisch, thun zesampne iv s vnd liij gr. Silbern.

Ist schon bericht, wie man den Doctor Cubito bedräwet mit Ubergung beym Saffnachtanz, was ein groß Schandt gewesen wär. Denn war solch Tanz ein gar fürnemb Lustbarkeit, so angericht ward von ein Art Bruderschaft, hieße man die Juncker vnd Gesellschaft der Burger des Saffnachtanzes. Wurd gleichfalls abgehalten vffm Rathawß vnd schandete der Rat darzu izlich mal zween Daß Turgisch Bier, darvon galt ye eins darzumalen drey alde Schock. Vnd so die Tanzmeister nit damit vßklämen, hette der Rat ein Insehen vnd liße vil mals schreiben in die Register, als stehet im 1524. Jar:

Gesellschaft
des Saff-
nachtanzes
wirdt Bier
gereicht.

Item nachdem dye Tanzmeister mit dem gelde so sie von den safft nacht gesten ingenommen, nit haben mogen zukommen, vnd im Keller vor hier schuldig blieben, hat der Rath solchs, vber das Jenige so sie daran bezalt, entricht vij s. xlvij gr. iij s. j hlr.

Lij

Aber

Aber vff den Gassen duldete der Rat kein Vnfug vnd nârisch Treiben, berichtete ouch stracks nacher Dreßden wegen der Jenigen, so im 1526. Jar mit Trommen vnd Pfeiffen vnder der Frühmessen durch St. Thomas Kirchen gezogen. Ist also der Rat zum alden Brauch widergekeret, als er diß Jar den Vnfug vnd das wüst vnd vnzüchtig Gelerm vff den Gassen abgeschaffet.

Tantz vffm
Rathawß
den Fürsten
zu Eren.

Wurden vßerdeme ouch allerley Lustbarkeiten vnd Tantz veranstaltet vffm Rathawß, so die Herzöge vnd andre frembde Fürsten die Stadt beereten; ließe man dan das Rathawß fein vßzirn vnd Gras strawen vor die Gnedigen Herrn vnd ist vielerley darvon geschriben in den Registern. Heißets z. B. in

Anno 1485. Sbto post Maria Magdalena dem bischoffe von magdeburgk vff dem Rathawß gewest vnd den tanz besehen geschanckt *iiii* *℥*. confect zu *vij* gr. fat *xxviii* gr.

Anno 1487. Sbto post lawrenti vnßern g. hertzogenn friderich den Bischoff vonn magdeburg hertzog Johansen vnd den dreyen vnßern jungenn herrn als yn der Rath den tanz vff dem Rathawße bestalt hat geschanckt vor *ij* st. maluesier *x* fl. Reynischweyn *x* fl. lantweyn zu *viii* nawe *℥*. vnd *xxij* st. Numburgisch Bier *xx* halbe st. Eymbeckisch Bier vßgeben facit *j* *℥*. *xxxj* gr. *vj* *℥*. Silber.

Ließe aber der Bischoff von Magdeburgk zu letzterm Tantz noch besonders durch sein Peucker vßbawcken vnd sezete man den Fürsten vßerdeme *iiii* *℥* Confect vff von Hansen König dem Apatecker vor *xlij* gr. Vnd für ein ander Tantz, so man denselbigen Fürsten in eben dem Jar bestellte, gabe man gar vß vor Weyn, Bier vnd Confect *iiii* *ß*. *xxvij* gr. *iiij* *℥*. Silber. Gar ein gang besunder vnd vngewonlich Srolichkeit aber ware es, die man im 1488. Jar Hertzog Friderichen vßrichtete; war das ein Sackeltanz vff dem Marckt. Zu dem hatte der Rath vß ein Stein Wachs zwelff große Kerzen fertigen lassen, die kamen mit den Stäben vnd dem Machelon vff *j* *ß* *xx* gr. vnd hielde des Hertzogen Sattelknecht die Ordnung in der Ban, tribe die Lewt vß derselbigen, vererete der Rath ime ouch einen Gulden, dieweilen es ein sawer Arbeit war. Zur Labung aber wurden gereicht den Fürsten *xx* Pfundt Confect, *xvj* fl. Maluesier,

Maluesier, xxxij fl. Rheinwein, xx halbe St. Numburgisch vnd Torgisch vnd xx Lymbeckisch vnd stunde alles zesampne vor Schoten vnd vor Gras vff ij ß xlvij gr. vij \mathcal{L} 1 hlr. Silbern. Heißets dann ouch ferner:

Anno 1498. Als der Rath vnserm g. h. hertzogenn Erich einen tanz gemacht vor xj \mathcal{L} . Confect zu v gr. vor wein vier maluesier vnd obes außgeben ij \mathcal{L} xliij gr. vj \mathcal{L} 1 hlr.

Anno 1499. Als der Rath vnserm gn. h. ein tanz gemacht vor Ire gnade ix \mathcal{L} . confect zu v gr. vor iij halb st. Reynfall 1 st. Elseffer Reynischweyn v Kannen Lymb. xvj fl. torg. bier geben j \mathcal{L} xxxj gr. iij \mathcal{L} .

Hatten Sein Gnaden also gar ein trefflich Appetit, so sie alles selbstn verzeret. Ist dagegen schwer zu erkunden, was ein Item, so sich in den Rechnungen des 1492. Jars zeiget, bedeuten sollt:

Jacoff Toteken vor ij Kagen als Herzog george alhir vff dem Rathawse getantz iv gr.

Crete der Rat aber nit bloß Fürstliche Gnaden, sondern ouch die heilig Kirchen vnd die Gelartheit, vnd so eins Burgers Son oder gar eins Ratsfrunds Son sein erste Messen lasse, oder zur Würde eines Magistri oder Doctoris gelangete, schanckete er ime zu seinem Prandio einen statlichen Trunck vnd izlich Jar den jungen Magistrandis ad Prandium Aristotelis eglich Viertel Bier bis zu zween Schock oder eglich Stobichen Reynfall oder Rheynischen Weyn, als stehet darvber 3. B. geschriben in den Registern von

Rat
schancket
den Doc-
torandis
einen
Eren-
trunck.

Anno 1473. Vff Sonnabent nach pentecosten geschanckt dem nawen priester des burgermeisters schybens frunde zcu sant thomas xij Kannen süßwin vnd vier Kannen franckenwein.

Anno 1483. Dem Bawmeister paul keiser zu vorerung vnd seines sons ersten Messen zu stewr von beuehll der Eldisten hern des Rats vnd auch der ander zweier Burgermeister geben ij \mathcal{L} Silbern mong.

Anno 1487. Sabbato Juliane dem Schulmeister Mgro Hofeler vnd seinen gefellenn ad prandium Baccalaureatus geschanckt viij fl. maluesier zu v gr. vnd viij fl. Reynfal zu x alde gr. facit j \mathcal{L} vj gr. vj \mathcal{L} Silbern.

Lijj

Anno

Anno 1494. Vff freitag nach Judica dem austiner monch zu seinem doctorat geschanckt j lagel maluester ist Simon Brewtigam bezalt vor viij gulden faciunt ij \mathcal{R} . xlviiij gr. Silbern.

Anno 1497. Der facultet artium zu der Collation des quodlibets vff befehel der Reth an Bier als sie bey flaschen ins Rats Keller haben holen lassen geschanckt j \mathcal{R} . xxv gr.

Gewercken,
so Zinse
bringen,
wirdt ein
Tranckgeldt
gereicht.

Aber ouch gegen die Gemeynheit war der Rat gar nicht derträchtig, gönnete ir ouch was Guts vß dem Ratskeller. Demnach so die Gewercke die Zinse brachten vffs Rathawß, schanckete man ine zehen oder zwanzig Groschen vnd dergleichen den Vndertanen zu Rewdenitz vnd Lwderitsch, so die Schoß vnd Zinse liferten, vnd darvber noch dem Pfarrherrn zu Lwderitsch besunders nach alder Gewonheit vier Groschen zuvertrincken, dieweilen er die Schoßregister fürete. Thats ouch desgleichen mit dene Schützen, so sie sich vbeten in den Schißgräben oder den Vogel abschossen; denen zapffete man Bier, gabe ine ouch ein statlich Vßlosung zu Eren der Stadt, so sie vff ein frembden Schißhof zogen.

Heerschw
wirdt ge-
halten vnd
der Staub
darbey ab-
gespület.

Wurdt ouch ein groß Lustbarkeit angestellet, heißet das vor die Herrn vom Rat, so die Burger gemustert wurden in den vier Vierteln zur Heerschw, darvber in Anno 1485 ein new Ordnung vffgericht worden, darvß man erkunden möcht ir Fertigkeit mit der Wehr, so sie erffordert würden zur Vertheidigung der Stadt vff den Mauern vnd im Feldt. Beschabe das aber im vßgehenden funffzehenden Seculo nur noch selten, maßen man schon gewonet ware, nemblich zu Erleichterung der Gemeynheit, Soldener vnd Drabanten zewerben vnd selb vßzerusten vß der Stadt Zeughawß. Warn aber noch im 1485. Jar newe Panier von Zindel gemalet worden vor die vier Viertel vnd darvor vßgeben meher dan zween Schock. Stehet aber doch vber solch Lustbarkeiten der Herrn mancherley in den Registern, als z. B.:

Anno 1474. Vff sonnabendt post Johannis bapt. als dye Hern des Raths Herschawe gehabt haben mit dem Hauptmann, den Hern der andern Rethen vnd mit den Junckern vnd den virthilmeistern vorczert vnd fur essen vnd trincken als brot fleysch huner speck zc. wein vnd Byer vnd vor allis vßgeben iij \mathcal{R} . lvij gr. hoer mong.
Anno

Anno 1481. Item vor die hern Burgermeister vnd andre als sie obir des Rats ordenung zumachen gefessen haben vf den morgen vnd vor die hern vnd drabanten, andre Burgers Sone, als man Zeingen von Ende gefangen vnd geholt hat vorzert vf den abendt vor essen vnd trincken wein vnd bier iij *℔* xxxij gr. viij *℔*.

Anno 1485. Sabbato post Exaudi vor die hern aller dreyer Kethe vnd den hauptmann die herschaw gehalten vnd auff dem Rathuß vffgegeben vnd vorzert ij *℔* xlvij gr. vj *℔* j hlr. Silber.

Anno 1494. Item als der Rath herschaw gehalten vor alle drey Keth außgeben vnd vurtelmeister auch ezliche auß der gemeyn vff dem Rathawse verzert v *℔* iij gr.

Den Burgern aber oder der Gemeyn der vier Vurtel liefferte man izlich mal einem yeden ein Daß Bier vor ein Schock, heißet gemeyn einheymbisch Gebrâw, nit von dem kostbar frembden; verstundt sich der gemeyne Mann nit vff solch Leckerrey, wie man vermeynete.

Vnd vergaße man selbest der Geringisten nit vnd erbarmete sich des Schulmeisters vnd der armen Schüler, so die froren im kalten Winter vnd schrien nach Pan(itz)em et Circenses, schandete ine daher vß mildem Sinne ein Suder Holz zu viij gr. Aber die Circenses die spilete man ine vff als ein Comoediam vffm hindersten. Ist nemblich der Sanctus Bannigius der Schutzbadron der Schützen vnd Bachanten hirselbsten, vereren ine hoch, maßen er sie leret, wie man die feyn vnd lieblich Meyßnisch Sprach redt, nit die geziret teutsch. Ist ouch nit so one; denn so man solch Schützen mit Ruthen streichet, thuet sichs ouch weicher vffm Bobo, dan vffm Popo.

Sanctus
Bannigius
vnd die
Schuler.

Vnd geschah das alls ein lang Zeit vß dem gemeynen Seckel. Sind aber dan die guten alten Bräuch meher vnd meher vß der Übung komen vnd der Eldisten Recht vnd herkommlichen Pertinentia schandtlichen gemindert worden. Ist solchs wol zu den Zeiten Burgermeister Hieronymi Kauschers geschehen; war das ein gar gewalttätiger vnd eigenütziger Herr, so vbel vmbsprungen ist mit gemeyner Stadt Regiment vnd Kasten. Ist ouch wol bekant, wie der die Burger böß gezwacket vnd insunderheit die gewlichen Calvinisten.

Gut vnd
heylsamb
Bräuch
komen in
Abnam.

hat

Regirend
Bürger-
meister
wirdt vß-
gestopffet.

Hat ime aber ouch zu Lone solch Vbeltaten der Teuffel den Hals vmbgedrehet. Saßen nunmehr die Rats Herrn vnd Eldisten nit meher mit an den Fleischtöpfen zu Gast, nur alleyne der regirend Bürgermeister. Denn wars nur ein erbermlich Abfall, so man dem zweeten Bürgermeister vbrig ließe vnd den beeden Baumeistern des sitzenden Rats. Vermeynete man wol, seye nötig, daß der regirend Herr ouch in sein leiplich Vßsehen sich statlichen darstelle vnd wol vßgestopffet, vnd so es ime daran mangle, daß man ime darzu helffe vff gemeiner Bürgerschaft Kosten. Sind solch narsamb Pertinentia, heißet mans ouch Naturalleistungen, so Bürgerschaft vnd Vndertanen der Stadt jårlichen dem regirend Herrn zu liefferen, zeersehen vß dem Zeddel, so allmal bey vffgehendem Rat der Thürknecht vberreichete. Ist solch Zeddel vom 28. Martij des 1598. Jars, den Balzer Biber dem regirend Bürgermeister Jacob Grieben vberreichet, noch vnder den Schrifften zebefinden. (Stadt=Arch. I, 28. Bl. 58 ff.) Heißets darinne:

Dem regirenden Bürgermeister geben jårlichen das Handwerk der Fleischer auf den heiligen Oster Abendt $\frac{1}{2}$ Kalb daß gut ist, von 30 bis 32 ℓ ., 2 Riben Rindfleisch von 15 bis 16 ℓ ., 1 gut Lam, vor einen Thaler, Alles nach dem Besten. (Gibet der Herr Tranckgeldt 6 Gr.)

Der Bader zu St. Thomas zinsset von der Badstuben auf den Oster Abendt 1 gut Lamb oder 1 Thlr. darfür, 1 gute Gans auf Burckhardi.

Der Müller zu Golis zinsset auf Johannes Batista 2 Zosen Butter von 21 vnd 22 Kannen, $\frac{1}{2}$ Thune Kese. (Tranckgeldt 6 Gr.) — Den beiden andern Bürgermeistern zusammen ebensoviel.

Die Gemeine im Kohlgarten zinsset den Montag nach Martini 26 Rauchhüner, vor ein Hun 2 Gr., vnd 9 Kaphanen, vor einen $3\frac{1}{2}$ Gr. (Tranckgeldt 6 Gr.) — Den beiden andern Bürgermeistern jeglichem 10 Hüner vnd 10 Kaphanen, den beiden Baumeistern jeglichem 10 Hüner.

Dieselbe auf den Oster Abend 20 Gr. Kalbgeld, auf Jacobi vom Gerichte 1 Neuse, von den beiden Bedingen auf Martini vnd Faschnacht je 8 Gr.

Die Gemeine zu Ludritsch zinsset auf St. Thomastag 10 Kaphane (Tranckgeldt 2 Gr.), den beiden andern Bürgermeistern je 5.

Dieselbe

Dieselbe auf Martini 11 Zinshüner (Tranckgeldt 2 Gr.), den beiden andern Bürgermeistern je 9 vnd den Baumeistern auf Palmtag 1 fl. Kalbgeldt.

Die Gemeine zu Leutzsch zinsset auf Sonntag nach Margarethe 18 junge Züner, auf S. Elisabeth den 19. Nov. 13 Kaphähne, auf Bartolomej 8 Gänse (Tranckgeldt 6 Gr.) Den beiden andern Bürgermeistern jeglichem 16 Züner, 6 Kaphähne vnd 7 Gänse, den Baumeistern aber jeglichem 10 Züner vnd 6 Kaphähne.

Die Gemeine zu Lindenau zinsset auf St. Elisabethtag 10 Zinshüner oder vor ein Hun 2 Gr., auf Martini $7\frac{1}{2}$ Kaphähne, vor den halben 21 \mathcal{A} , vnd 100 Eyer (Tranckgeldt 4 Gr.); von der abgeschafften Schafferey daselbsten pfeget man aus der Landstube ein genannt Geld vor Butter vnd Käse zuzustellen: vor eine Tonne Käse 6 fl., vor ein Lamb 18 Gr., vor ein Schöpß 1 fl. 9 Gr. — Den beiden andern Bürgermeistern jeglichem 8 Züner, jeglichem Baumeister deren 4.

Die Bauern zu Lindenau seind schuldig dem Regierenden Herrn Bürgermeister, wann sie alda Gerichte halten, ein Eßen zugeben. Wann sie aber nicht des Orths, sondern zu Leutzsch die Mahlzeit halten zu geben 1 Neuse.

Die Gemeine zu Schönau zinsset auf den Sonntag nach Martini 10 Zinshüner oder vor ein Hun 2 Gr. Den beiden Baumeistern jeglichem 5 Zinshüner.

Der Schenck zu Schönau zinsset auf Martini 2 Kaphäne oder $3\frac{1}{2}$ Gr. vor einen.

Die Gemeine zu Lelitz zinsset auf St. Bartolomei 10 junge Zinshüner (Tranckgeldt 2 Gr.), den Baumeistern jeglichem 9.

Der Pachtmann von Grasdorff pfeget auf Martini von Gärten vnd Fischereyen daselbsten zu geben 26 fl., vor eine halbe Tonne Schaffkäse 3 fl., 1 Schöpß von Daucher Teiche.

Der große Kauß vorm Petersthor zinsset auf Martini jeglichem der drei Bürgermeister 6 alte Züner.

Die Nachbarschaft auf der Aldenbrugk vorm Ranischen Thor zinsset auf Martini 17 alte Zinshüner, jeglichem der beiden andern Bürgermeister 17 vnd den beiden Baumeistern jedem 10.

Heinrich Oberkamp zinsset auf Martini von der Breutigamswiesen zu Leutzsch 4 Kaphähne.

Herr Hieronymus Behme, Rathsherr, zinsset auf Martini von seinen Gärten vorm Thomasthore 1 gute Gans.

Christoph Straube, Tuchmacher vorm Gallischen Pfortlein, zinsset von seinem Haus vnd Gärten auf Martini 1 alte Henne oder 2 Gr.

Hans Krappe vorm Ranischen Thore zinsset von seinem Haus auf Martini 1 alte Zenne oder 2 Gr.

Herr M. Jacobus Laßmann Rector der Schulen zu St. Thomas zinsset von seinem Haus vnd Garten vorm Petersthor an der Klostersgassen auf Martini 2 alte Züner.

Dorff Groß Dolzigk zinsset Martini 1 Hans oder 5 Gr.

Alberstorff zinsset ein Bauer von seinen Guth auf Martini 1 Kaphan oder $3\frac{1}{2}$ Gr.

Valten Lebe, Kornmesser, vnd Barthol N. sein Nachbar vorm Petersthor in der Klostersgassen zinsen 10 Fülhüner oder 18 \mathcal{R} vor eines.

Die Nachbarschaft auf dem Mülgraben vor dem Ranischen Thor zinsen auf St. Gallentagk 24 alte Züner. (Tranckgeldt $3\frac{1}{2}$ Gr.)

Die Gemeine zu Crottendorff zinsset auf aller Kindeintagk 10 Kap=hähne (Tranckgeldt $3\frac{1}{2}$ Gr.); den beiden andern Bürgermeistern jeglichem 7, auch auf Martini jedem der drei Bürgermeister 6 alte Züner.

Dieselbe auf St. Michaelstag $4\frac{1}{2}$ Schock Krauttheubt, jeglichem der beiden andern Bürgermeister 3 Schock vnd auf Fasnacht jedem der drei Bürgermeister 10 Keyen oder 5 Gehenge Zwieseln.

Das Handwerk der Becker vorehren auf den Neuen Jahrstag mit drey Christstangen, Als dann vorehret der Regierende Herr Bürgermeister den Andern Herr Bürgermeistern Jeglichen mit einer Christstange, Die werden ihnen durch den Thürknecht überantwortet. (Tranckgeldt 6 Gr.)

Das Handwerk der Zuttmacher geben einen gemeinen Zut, Wann Er aber von Seiten soll gemacht werden, pfeget der Herr Bürgermeister eine Beysteuer zu geben.

Dem Regierenden Herrn Bürgermeister giebet man auß der Schoßstube vor ein Gutt Schwein 8 fl. 12 Gr.

Dem Regierenden Herrn Bürgermeister pfeget man aus der Ohme zugeben 60 ledige Biersaß, oder $7\frac{1}{2}$ fl. dafür.

Das Lehengeldt aus der Rath- vnd Landstube gebühret dem Regierenden Herrn Bürgermeister, Soll ihme der Herr Stadt- vnd Land-schreiber dießfalls gebühlich rechnung thun, fl. 20 Scheffel Korn, vor das Lehengeldt aus der Rathstube.

Dem Regierenden Herrn Bürgermeister gebühret Jährlichen $\frac{1}{2}$ Schef-fel Arbis, soll ihme der Kornschreiber überantworten.

Dem Regierenden Herrn Bürgermeister Soll der Stubenheizer auf dem Rathause überantworten $\frac{1}{4}$ Stein Groß- vnd $\frac{1}{4}$ Stein Mittel-Lichte.

Das Obst, das da Wechset in Eins Erbarn Raths Gerten, Als zu Leuzsch, Raschwitz und Daucha. Pfeget der Regierende Herr Bürgermeister

Bürgermeister

Bürgermeister mit den Andern beyden Herrn Bürgermeistern, vnd Regierenden Herrn Baumeistern auszuteilen, und zu verschicken, alles mit seiner gelegenheit vnd wohlgefallen.

Das Honigk zu Raschwitz, Wann daselbe außgenommen würdet, theilet es der Regierende Herr Bürgermeister mit den Andern beyden Herren Bürgermeistern, nach seinem wohlgefallen.

Gebühret ihme von den Grünen vnd gesalzen Fischen, Bückling, Kastanien, Nüssen vnd andern sachen, so zu feilem Kauff auf den Marckt gebracht, das gewöhnliche Marckrecht darvon, das sollen ihm die Marckmeister mit fleiß zu recht überantwortten.

Von den Herings Weibern aufm Raschmarck 1 $\frac{1}{2}$ Schock Fastenheringe, 1 $\frac{1}{2}$ Schock Neue Bücklinge.

Was ihme an Holzs vnd wiesen gebühret, das kann man sich in der Schoßstube in den Büchern erkundigen.

Der Mann aufm Weissenhaus zu Leuzsch Pflaget dem Regierenden Herrn Bürgermeister von der Gräserey im Garten 2 Thlr. zugeben.

Wann ein Lehrjunge auf das Fischerhandwerck aufgedinget oder angenommen würdet, Pflaget man dem Regierenden Herrn Bürgermeister 9 Gr. zu geben.

Ein jeglicher Herr Bürgermeister, der im Regiment ist, hat in allen Eins Erbarh Raths Teichen vnd Wasserläuffen macht fischen zu lassen, Wann vnd zu welcher Zeit es ihme am bequemsten.

Die Baussenigs fischer das Handwerge der Fischer mit dem Rath vmb die Helffte, des Jahres zweymahl, der Fischer halbe Theil würdet ihnen aus der Schoßstube bezahlet, Die Fische aber so gefangen, werden ausgetheilet unter die Herrn Bürgermeister, beyden Regierenden Herrn Baumeistern vnd Syndico.

Der Regierende Herr Bürgermeister hat macht einen Fischzugk in Stadtgraben zwischen der Schönfelder Pasteyen vnd Hällischen Thor durch des Raths Fischmeister zu thun, wann aber im Ersten Fischzugk zu wenig, mag er noch einen thun.

Der Regierende Herr Bürgermeister hat dem Handwerge der Fischer die Barde vorm Hällischen Thor zu fischen vermierhet, darvon geben sie 8 fl. geld, 2 Bratsfisch vnd 2 Schock Barde Krebße auf Martini.

Dem Regierenden Herrn Bürgermeister Gebühret von den Grünen Layen, Wann sie ausgeschnitten werden, von 4 grünen Layen Einen Layrücken, das geschiehet von wegen des Schätzens.

Dem Regierenden Herrn Bürgermeister Gebühret, wann der Neue Malvestir, Reinfall vnd andere Süße wein ankommen, Kostewein darvon zu schicken.

Desgleichen auf Faschnachten von Neuen Egrischen Medt, vom Neuen
Seringe vnd Neuen Bücklinge.

Dem Regierenden Herrn Bürgermeister Gebühret an statt eines
Bieres zu Tauche zu brauen, 6 Faß Depetat Bier. Von Schloß-
gebrau.

Dem Regierenden Herrn Bürgermeister Gebühret von dem Vogel
Abschießen auf der Pfingstwiese 1 Zimmern Halbstubichen. Dasselbe
Pfleget die alte Peter Zunichen wittibe von ihren Zinnbuden vnd
Dischen, darauf man vmbz Zinn spielet, zu geben, oder zwo Einzeln
Kannen.

Dem Regierenden Herrn Bürgermeister Gebühret von dem Gut
Wahren uf Michaelis 1 Hofe guter Butter, Altenburgisch gebinde,
1 Tonne gute Käse, 1 Tonne Porschorffer Aepffel, vnd 1 Tonne
Sonsten harte Aepffel lager Obst vnd jedem Regierenden Bau-
meister halb so viel.

Von den Graßhünern, so die Dorffschafften, welche in Eins Erbaru
Raths geholzen oder in die Bürger Awen graßen gehen, zinsen,
gebühren dem Regierenden Herrn Bürgermeister auß Lindenau
60 Graßhüner, oder vor ein Hun 16 auch 18 A, auß Leuzsch 132,
auß Connewitz 40, auß Döllitz 68, auß Derssch 36, auß Döesen 36,
auß Lessennigt 38, auß Lützschenne 56, auß Stommen 72, auß
Wahren 33, auß Lindentall 58, auß Mögkern 48, auß Erne-
bergk 68, auß Belitz 84, auß Schönaw 72 vnd auß Barnegt
4 Graßhüner.

Wärete aber solch Wolleben vnd Vßstopffen mit Hünern
vnd Kostwein nit gar lang meher; denn war gemeyner Stadt
Inkomen gar böß verwarloset worden vnd in Abgang komen,
ingleichen das Rechnung legen. Vermeynete dahero Unß. Gn.
Herr zu Dresden, daß er ein Insehen nemen müßt vnd den
Herrn, so die lieben Gottes Gaben so vngleich vnd vngerecht
verteilten, etwan vff die Singer passen. Schaffeten also Sein
Gnaden all Accidentia abe (15. Sebruarj 1627), so Ine vor ein
einzel Mann gar vberflüssig düncketen vnd blibe alleyne ein Klein
Vsteilung von Martinshörnichern am Abendte St. Martini vbrig
von all den wolgefülleten Fleischtopffen. Hiesse das aber, als
man saget, das Kindlein sampt dem Bade vßschütten.

Kann man aber darvß ersehen, wie es gehalten worden
in alten Zeiten, vnd wie gute alte Bräuch durch Eins Wol-
weyßen

Gemeyner
Stadt In-
komen böß
verwar-
loset.

weyßen Rats Verschuldung in Abnam komen sind, zu großen
 Vneren vnd Beschweruß gemeyner Stadt Burger. Soltt
 man dahero ernstlich Insehen haben vnd wider infüren die
 gut vnd fürsichtig Wirtschafft mit gemeyner Stadt Geldern
 vnd Zinsen, wie vordeme geubet wurd, ouch wider vffrich-
 ten ein so gut Wesen wie im funffzehenden Seculo; würdt
 dan vffhören das Geschrey von zuvil Schoß bey der Burger-
 schafft. Aber die Herrn des Rats hören nit darvff, so der
 Stadt Eldisten ir Weyßheit vor sie bringen. GOTT bessers!



Gedruckt vnd vollendet in der Stadt Leypzig
im Jar nach vnfers Seligmachers Geburt dem
achtzehenhundert vnd sieben vnd siebzigsten
durch die Erfamen vnd Fürsichtigen
Raymund Härtel vnd **Wilhelm Volkman,**
der Stadt Eldisten, vnd den Wolgelarten Magister
Oscar Hase.



Faint, illegible text, possibly bleed-through from the reverse side of the page.

11

8

Faint, illegible text, possibly bleed-through from the reverse side of the page.



77

